

大庾縣志卷之十三

藝文

詩

唐

題大庾嶺北驛

宋之問

陽月南飛雁傳聞此地迴我行殊未已何日復歸來江靜潮初落林昏瘴不開明朝望鄉處愁見隴頭梅

度大庾嶺

宋之問

度嶺方辭國停軹一望家魂隨南翥鳥淚盡北枝花山雨初含霽江雲欲變霞但令有歸日不敢怨長沙

大庾縣志

卷之十三

藝文 詩

一

依韻贈南安方處士

徐寅

兩鬢當春却似秋僻居誇近野僧樓落花明月皆臨水明月不流花自流

晉楚忙忙起戰塵龔黃門外有高人一畦雲蘿三株竹席上先生未是貧

大庾驛有懷

蔣吉

一囊書重百餘金郵吏甯知生計貧莫訝偏吟望鄉句明朝便見嶺南人

邀同杜員外審言過嶺

沈佺期

天長地濶嶺頭分去國離家見白雲洛浦風光何所似崇



山瘴癘不堪聞南浮漲海人何處北望衡陽雁幾羣兩地
江山萬餘里何時重謁聖明君

自始興谿夜上赴嶺

張九齡

嘗蓄名山意茲爲世網牽征途屢及此初服已非然日落
青巖際谿行綠篠邊去舟乘月後歸鳥息人前數曲迷幽
嶂連圻觸暗泉深林風緒結遙夜客情懸非梗胡爲泛無
膏亦自煎不知于役者相樂在何年

同綦母學士月夜聞雁

張九齡

棲宿豈無意飛飛更遠尋長途未及半中夜有遺音月思
關山笛風號流水琴空教兩相應幽感一何深避繳歸南
浦離羣叫北林聯翩俱不定憐爾越鄉心

大庾縣志

卷之三

藝文 詩

二

雜詩二首

張九齡

孤桐亦胡爲百尺傍無枝疎陰不自覆修榦欲何施高岡
地復迴弱栢風屢吹凡鳥已相噪鳳凰安得知
良辰不可遇心賞更蹉跎終日塊然坐有時勞者歌庭前
攬芳蕙江上託微波路遠無能達憂情空復多

敘懷

張九齡

弱歲讀羣史抗節追古人被褐有懷玉佩印從負薪志合
豈兄弟道行無賤貧孤根亦何賴感激此爲隣

感遇九首

張九齡

蘭葉春葳蕤桂華秋皎潔欣欣此生意自爾爲佳節誰知
林棲者聞風坐相悅草木有本心何求美人折

幽林歸獨卧滯慮洗孤清持此謝高鳥因之傳遠情日夕
懷空意人誰感至精升沈理自隔何所慰吾誠

魚遊樂深池鳥棲欲高枝嗟爾蜉蝣羽薨薨亦何爲有生
豈不化所感奚若斯神理日微滅吾心安得知浩嘆楊朱
子徒然泣路歧

孤鴻海上來池潢不敢顧側見雙翠鳥巢在三珠樹矯矯
珍木巔得無金丸懼美服患人指高明逼神惡今我游冥
冥弋者何所慕

大庾縣志

卷之十三

藝文 詩

三

吳越數千里夢寐今夕見形骸非我親衾枕卽鄉縣化蝶
猶不識川魚安可羨海上有仙山歸期覺神變

西日下山隱北風乘夕流燕雀感昏旦簷楹呼匹儔鴻鵠
雖自遠哀音非所求貴人棄疵賤下士嘗殷憂衆情累外
物恕己忘內修感嘆長如此使我心悠悠

江南有丹橘經冬猶綠林豈伊地氣暖自有歲寒心可以
薦嘉客奈何阻重深運命惟所遇循環不可尋徒言桃李
樹此木豈無陰

抱影吟中夜誰聞此嘆息美人適異方庭樹含幽色白雲
愁不見滄海飛無翼鳳凰一朝來竹花斯可食

漢上有游女求思安可得袖中一書札欲寄雙飛翼冥冥
愁不見耿耿徒緘憶紫蘭秀空蹊皓露奪幽色馨香歲欲
晚感嘆情何極白雲在南山日暮長太息

按曲江開梅嶺路蘇訛稱其緣磴道披灌叢相其
山谷之宜葦其坂險之故坦坦而方五軌闕闕而
走四通鑿耳貫胸珠琛絕費有宿有息如京如坻
偉哉極天蟠地之功宜食其德者歷數千百年而
俎豆常新也第舊志曲江傳頗嫌簡畧不及引坐
周子諒左遷遂相李林甫牛仙客而國是日壞請
拜墓歸事至於藝文中所載唐詩亦止於宋延清

大庾縣志

卷之十三

藝文 詩

四

等數首而已殊不知唐初五言古漸趨於律風格
未遒陳正字起衰而詩品始正張曲江繼續而詩
品乃醞其感遇九首正字古奧曲江蘊藉本原同
出嗣宗而精神面目各別所以千古沈歸愚宗伯
論之詳矣而舊志藝文中未錄其一何耶新建張
扶長吏部致政家居撰江西詩派圖錄首述呂居
仁所論宗派次總論次小傳次主客問答各郡各
有所祖如潯陽之祖陶元亮宜春之祖鄭守愚臨
川廬陵祖介甫永叔之類予謂南安詩派自應上
溯曲江因博採之傳其忠悃補列傳所不及亦猶

康對山志武功人物志兼載后稷唐高祖太宗列女志兼載姜嫄太姜意也

故右僕射相國張公九齡

杜甫

相國生南紀金璞無留礦仙鶴下人間獨立霜毛整矯然
江海思復與雲路永寂寞想土堦未遑等箕穎上君白玉
堂倚君金華省碣石歲崢嶸天池日蛙黽退食吟大庭何
心記榛梗骨驚畏曩哲鬢變負人境雖蒙換蟬冠右地惡
多幸敢忘二疏歸痛迫蘇耽井紫綬映暮年荊州謝所領
庾公興不淺黃霸鎮每靜賓客引調同諷詠在務屏詩罷
地有餘篇終語清省一陽發陰管淑氣含公鼎乃知君子

大庾縣志

卷之十三

藝文詩

五

心用才文章境散帙起翠螭倚薄巫廬並綺麗玄暉擁牋
誅任昉騁自我一家則未闕隻字警千秋滄海南名繫朱
鳥影歸老守故林戀闕悄延頸波濤良史筆蕪絕大庾嶺
向時禮數隔制作難上請再讀徐孺碑猶思理烟艇

嶺上逢久別者又別

權德輿

丹徒人

十年曾一別征旆此相逢馬首向何處夕陽千萬峰

卻赴南邑留別蘇臺知己

劉長卿

又過梅嶺上歲歲北枝寒落日孤舟妥青山萬里看猿聲
湘水靜草色洞庭寬已料生涯事惟應把釣竿

祇命嶺外路逢表兄別後卻寄

許渾

丹陽人

盧橘香花拂釣磯美人猶舞越羅衣三洲水淺魚來少五嶺山高鴈到稀客路脫衣紅樹宿鄉門朝望白雲歸交親不念征南吏昨夜風帆去似飛

宋

戲贈南安倅柳朝散

黃庭堅

柳侯風味晚相見衣袂頗薰荀令香桃李能言妙歌舞樽前一曲斷人腸洞庭歸客有佳句庾嶺梅花如小棠乘興高帆少相待淮湖秋月要傳觴

南安試院無酒飲周道輔自贛上攜一榼時時對酌惟恐盡試畢僕言尙有餘樽木芙蓉正盛開戲呈

大庾縣志

卷之十三

藝文 詩

六

道輔

元豐四年太和作

黃庭堅

聞說君家好兄弟窮鄉相見眼俱青偶同一飯論三益頗爲諸生醉六經山驛已催乘傳馬曉牕猶共讀書螢霜花留得紅妝面酌盡齋中竹葉瓶

過大庾嶺

蘇軾

一念失垢汙身心洞清淨浩然天地間惟我獨也正今日嶺上行身世永相忘仙人拊我頂結髮受長生

度梅嶺寄子由

蘇軾

七年來往我何堪又試曹溪一勺甘夢裏似曾遊海外醉中不覺到江南波生濯足鳴空澗霧繞征衣滴翠嵐誰遣

山雞忽驚起半林花雨落穆穆

投章獻策莫多談能雪冤忠死亦甘一片丹心天日下數
行清淚嶺雲南光榮歸佩呈佳瑞瘴癘幽居弄晚嵐此後
西風庾梅謝卻迎誰與落穆穆

山林瘴癘老難堪歸去中原茶亦甘有命誰憐終反北無
心卻笑亦巢南蠻音慣習疑僮語脾病縈纏帶嶺嵐賴有
祖師清淨水塵埃一洗落穆穆

南還一首

蘇軾

暫着南冠不到頭卻隨北鴈與歸休平生不作鬼三窟今
古何殊貉一邱當日無人送臨賀至今有廟祀潮州劍

大庾縣志

卷之十三

藝文 詩

七

西望七千里乘興真爲玉局游

予昔過嶺而南題詩龍泉鐘上今復過而北次前韻

蘇軾

冰風卷黃落朝雨洗綠淨人貪歸路好節近中原正下嶺
獨矜行艱嶮未敢忘遙知叔孫子已致魯諸生

贈嶺上老人

蘇軾

梅骨霜髯心已灰青松十丈手親栽問翁大庾嶺頭住曾
見南遷幾個回

贈嶺上紅梅

蘇軾

梅花開盡雜花開過盡行人君不來不趁青梅嘗煮酒要

看紅川燕紅梅

終隱亭

侍御王奇 韜人

割得幽亭近嶺梅綠陰名好稱仙才四邊山色檐頭出一
帶永聲竹裏來

鍾海有傳

女 郎

安幼侍父任英州司寇既代還以大庾有梅嶺之
名而反無梅遂種三十本於道因題詩識之

莫江今日掌刑回上得梅山不見梅輟俸買將三十本清
香留與雪中開

癸亥初到嶺下寄汪聖錫

張九成

大庾縣志

卷之十三

藝文 詩

八

人物苦難得閉眼不敢看孤芳擢荒穢秀色出榛菅懷我
詞心友正在天一端文字妙入聖操履到所難美玉經三
煨貞松過凝寒憐我竄庾嶺色慘顏不歡書來每慰薦苦
語餘辛酸不上泰山頂安知天下寬相思暮烟起片月過
前灘

三月晦到大庾

張九成

我登超然臺積雨久不止臺下柳成行柳下滿塘水環塘
率喬木照影弄清泚恍如在故鄉西湖古寺裏氣象極幽
深景物盡蒼翠十年勞夢想一夕居眼底獨坐不能去顏
然起深思鐘鳴主人歸燭光何煜燁笑語復移時夜寒

當起歸路夫何如江聲寒玉碎

大庾舊多梅居士到此數年始登嶺不見一枝

張九成

詩人常說嶺頭梅往往春風自此來我到嶺頭都不見空
將春夢又空回

丙寅正月

張九成

常年正月未全春春色今年輒去人試上小樓南北望紅
英滿地綠粼粼

食苦筍

張九成

苦筍佳出處惟石屋玉肌膩新酥黃衣綠深綠林深

大庾縣志

卷之三

藝文 詩

九

恐人知頭角互出縮烟雨養春姿此物未成熟三月臘酒
杳開罇酌幽獨烹庖入盤俎點醬真味足未須五鼎牛聊
稱一囊粟揭來庾嶺下歲月去何速經冬又七春未分窮
途哭今朝好事者惠我生一束頭髮甲潤斑味惡韻麤俗
兒童不慣嘗噉噉驚媪僕老妻念鄉味放箸淚盈目丈夫
志有在何事校口腹呼奴更傾酒一笑風生谷

次單推賢

張九成

孰別動經歲年光挽莫留壯心今已老雅志自無求白日
將詩遣生涯著醉酬頽然烟瘴裏一飽更何憂

庾嶺三江外相過車馬勤孤吟清廟瑟愁思楚江雲寂寞

林逋宅淩涼似相續何時定歸去摸索斷碑文

每思鄉里秀日日聽新除愁若干行淚清貧一束書端溪
元秀爽梅蕊正蕭疎公事多餘暇筆勢亦晏如

十一月忽見雪片居此七年未嘗見也

張九成

風色遽如許神清瘦不禁瓦溝聲磔索珠琲亂衣襟斯須
忽復變玉片墜前林風勁勢回旋飄零蔽遙岑落此炎瘴
地七年到於今不見六花飛况聞寒玉音今年盈尺瑞天
以慰吾心呼兒具盃盤開樽須滿斟更製白雪詞入我綠
綺琴

大庾縣志

卷之三

藝文 詩

十

嘉祐寺

張九成

曳履出南郭招提在高岡誰言林樾中乃有此寶坊甘泉
溢中庭修桂陰層廊三秋此花開清香駐高堂試問紅塵
中那得六月涼門外江聲急堂中松韻長古殿儼像設佛
燈龕夜光不見堂中人陡覺心悲傷人生本無定樂處是
吾鄉吟餘復何事月落山蒼蒼

十二月二十四夜賦梅花

張九成

我來嶺下已七年梅花日日鬪鮮妍詩才有限思無盡空
把花枝歎晚烟頗怪此花嵐瘴裏獨抱高潔何娟娟苦如
靈均佩蘭芷遠如元亮當醉眠真香秀色看不足雪花水

靈相後先平生明明復皦皦一嗅霜蕊知其天固安冷落
甘蜜蟹不務輕舉巢神仙他年若許中原去攜汝同往西
湖邊更尋和靖廟何許相與澹泊春風前

辛未閏四月卽事

張九成

寓居城中寺蕭然如青山終年客不到終日戶亦關晨朝
香火罷去履脫危冠飽讀古人書會意有餘歡客有饋荔
枝薦以碧玉盤吟哦更咀嚼未羨朱雨幡鮫綃作紅皺護
此冰飢寒

橫浦亦何好人烟眇荒墟所以常閉門九年唯讀書予幼
好奇服玉佩而瓊琚念往復推來薰然樂有餘客有不知

大庾縣志

卷之十三

藝文 詩

十一

者笑我長勤渠目昏心則瑩道腴形自枯千載陶淵明簞
瓢常晏如譬如雞羣中有此海鶴孤

讀書

張九成

伊余生三吳窳逐落荒外大目試環顧四海等一芥誰能
於其間清濁分涇渭含菽亦飽滿食蘖有餘味不羨嵇叔
夜左右持酒蟹大哉黃卷中日與聖賢對

橫浦非吾土久寓亦何聊不學元相國百斛貯胡椒飢寒
何以遣唯以文字消方其得意處粹茹亦逍遙頓忘物我
情天地本寬饒告爾二三子我歌爾其謠

雙秀峯

張九成

且向城西去林驚雨濺空亂山明滅外古利有無中笑指
雙峯秀迴看落日紅中興喜無事歌管莫怱怱

題大庾新樓呈鄭仲遠年契

張九成

憶昔衡門不勝愁忽驚薨棟半空浮朝披爽氣山圍座夜
坐清吟月滿樓公事早休簾迴畫圍屏常靜草連溝已聞
名姓傳天上行看騎鯨隘九州

嶺下桃花作澹紅絕可愛因作絕句 張九成

江北桃花色頗濃不堪凡陋也春風誰知嶺下新來樣故
作宮粧淡淡紅

南安軍未至嶺有望梅亭余兄端翔權軍事有感作

大庾縣志

卷之十三

藝文 詩

三

此

羅願

節物重陽後風烟庾嶺頭休論梅子雨纔度菊花秋翠壁
堪橫絕幽亭勸小留謀生兄弟拙一一傍南州

南安道中

朱子

曉澗淙流急秋山寒氣深高蟬多遠韻茂樹有餘陰烟火
居民少荒溪草露侵悠悠秋稼晚寥落歲寒心

宿真覺寺

朱子

真覺江邊寺風烟罨畫然庭羅合抱柏門泊釣魚船暮雨
涼初過中秋月止圓無人來共賞獨自占江天

至南安軍

第七十八

予四月二十二日離五羊五月
四日出梅嶺至南安軍備置舟

中子不食 擬至廬陵得 瞋目庶幾 百正之義云

文天祥

短日行梅嶺

哭李常侍

天門鬱嵯峨

別唐誠 江西萬里船

春夜留宴

歸期無奈何

何將軍山林

南安軍

文天祥

梅花南北路風雨溼征衣出嶺誰同出歸鄉如不歸山河
千古在城郭一時非饑死真吾志夢中行採薇

嶺北道中

劉秉忠

邢州人

雨霽輕烟鎖翠嵐五更殘月照征驂玉戈定指何方去天
意仍教我輩參霜氣堂堂在西北長庚朗朗照東南江山
如舊年年換誰把功名入笑談

大庾縣志

卷之三

藝文 詩

三

元

發橫浦之丞 涪縣

范

桴

清江人

急漿開屨漲孤尊已夕陽水光排峽靜洲勢背城長太史
才無敵將軍義不心感傷今歲月淹泊愧滄浪

梅嶺題知事 丁卷

侍郎

聶古柏

鄱陽人

黃金臺上客大庾 嶺頭春如是無詩句梅花也笑人

三月十日觀

用安趙使君所藏書畫古器物

柳

貫

浦江人

三月淡旬新雨餘 山河一舸如浮苴言尋佳客趙橫浦步
入城隅門巷紆牽 冰迎揖坐便坐深炷爐熏呼茗盃硯屏

方截紫綺段楚瑤秀列珊瑚株是家素號虹月舫載書盈
鹿書盈車客逢好事要審鑒便肯解褚傾囊儲相看貴德
亦貴物古玉錯落掛筵敷鹿盧帶鉤環珮玦鞞鞞肯將承
屬鏤佩章六紐四官印篆畫刻深銅質麤配之衝牙奉君
子貫以繫璲聯金魚連錢驄馬琢文玉圍人立側垂裙裾
神工定復煩剗劂赤刀故想來錕鍔次陳鼎器論製作商
周秦漢焉可誣元武實水鹵實醴腹背翠錯提梁朱最奇
劍製尺有咫綠玉龜鱗純體膚精銅歲久剛性在間閣燥
溼其無渝銓量畫品差甲乙錦標玉軸隨伸舒庭光古佛
出梵相滿月在水蓮生跌盧前吳後筆鋒勁履豨承蠅元

大庾縣志

卷之十三

藝文 詩

十四

化俱瑤池仙會上中卷細考自是吳元瑜雲霞樓觀遞隱
見花竹羽毛工染濡絳旌飄轉紫簫發步輦導從千瓊妹
終篇八駿借旣闕詩亡可補此置諸意夫鬼物揜疵類免
彼耄荒留歎吁徐熙葩葉妙設色塵昏蠹蝕猶鮮腴古緜
一段寫秋意芙蓉瀟鷓連菱蘆夢載鴟夷浮浩渺此興初
不緣蓴鱸七客張宣爲誰作濃墨大筆色不枯五人人跨
一善馬一跨烏犍一蹇驢印窠慘淡悅生字豈曾籍入官
中帑穰穰畫苑始撥棄伸眉更請評法書二王真迹胡可
得硬黃數幅真唐摹蘭亭五字損不損肥本瘦本班班殊
如人聲口耳目且神采乃在頰上鬚虎賁舉樽雖甚似優

孟抵掌何其疎世間楮墨日弊弊欲駕跛隨行天衢南唐
常侍六書學凌轢斯邈關榛蕪雜詩流麗滿一卷銅甬篆
法無能踰金繩鐵紐莽回互山蚪海蜃爭騰驅嗟予欲讀
屢拊口形求意索且須與泰山繼起石鼓後李監捷出張
先張向微二徐爲啟籥此道湮滅誰昭蘇真書生行行生
草飛白籀隸同一樞張顛草聖入三昧小楷妙合褚與虞
郎官石記毀已久百金可有墨本無世之珍物豈待贊題
記況復經鮮於綺園角夏四神坐刻字寸許無葩荅永平
元舅紀功頌燕然何在楊墨烏厓鐫野刻百數種傳觀一
二日已哺餘歡未盡謀再至榜人催發吾歸歟暮投蕭寺
大庾縣志 卷之十三 藝文 詩 五

微雨作昏燈照影溜鳴渠冥懷具復領其要回向灼觀心
地初百年蓬累大宇宙蕩搖不啻風中旗寓意於物形勿
著尤物亦能爲我娛滯形小足致偷奪大或控頤傷口珠
牛李相傾坐石禍玉涯複壁嗜其愚吾徒適目取一快彼
豪巧者方睢盱唏予嗜古與君並見獵時然思負鸛作詩
紀載實醜縷若遇匠手當刊除同觀六士梁越產玉陽三
子甘陳余交游聚散等萍絮春風渺渺吹江湖徵詩如見
所見者後有畫者傳之圖

按詩所言者古玩然正可想其人故載之

送南安鎮撫趙南山捧表西省

薩都刺 雁門

平生尺劍衆中師
臣子肝腸天地知
少壯金戈探虎穴
太平鐵甲網蛛絲
素衫白髮尊前酒
紫塞黃雲馬上詩
今日又隨天表去
梅花香裏立沙堤

從軍

郭昂

妖氛慘白晝
天狼窺紫微
世故人心迫
秋高戰馬肥
增肅氣
鼓角壯神威
刁斗淒風急
貔貅白羽揮
陣雲秋不散
邊月澹無輝
烽火千山起
炊烟萬竈稀
獸蹤驚遠伏
鳥影避營飛
雷電奔長檄
旌旗擁戰闈
八風觀世應
六甲秘天機
社稷悲雄劍
肝腸快鐵衣
樓船功可繼
銅柱願常違
談笑一時了
軒昂滿意歸
大平方有象
聖德自微微

大庾縣志

卷之十三

藝文 詩

六

按野齊傳載江西盜起昂討之進逼南安明年平龍巖湖綠村石門鴈湖赤水黑風崗諸蠻六太平寨而還則從軍是此邦前雖普安撫沅州招降溪洞深味詩意固於南安爲慙

送艾幼玉赴南安儒教

劉誥 廬陵人

儒官如蔗杪
妄意近佳境
亦知嗜習累
誑俗示雋永
堂堂道心翁
學道倚袖領
摛詞屈鄒枚
講道來華邴
盛世擅塲屋
金石出欵磬
東家升仙子
往往盡餘鼎
空山三十年
華髮急垂頂
春風入極意
獨立修竹影
一官豈足償
跋涉歷崇嶺
五陵多少年
冰雪照清炯
楊花鳥語亂
走馬出三省

古來天地間此事從耿耿南中少人重山水清可詠歲晚
不負君梅雪三百頃

大庾嶺留題二首

呂思誠 崑山人

晨興散策雲封寺巖岫天開紫翠圖一水南來分百粵大
江東下入三吳

霜旭開晴曉出關衝寒驢子嚼毛攢西風百里南雄道綠
樹丹楓滿意看

洪武辛亥南歸重度梅關二首

呂思誠

去年窺逐下南溟萬里歸來鬢已星南入西州天一髮香
爐長繞九江青

大庾縣志 卷之三

藝文 詩

七

歸路籃輿鶴背輕保昌東下過長亭今朝又向梅關度此
是江南第一程

明

重過南安二首

解縉 吉水人

少年見說張橫浦曾訪南安舊謫居跡宛然存石礎至
今重到已荒蕪

庾關北望曙河流江右江邊壯此州為有東坡兩行竹每
看南斗近譙樓

寄鷗溪

修撰 羅洪先 吉水人

溪上幽人溪畔鷗乍來乍去意悠悠問君此意今何事

事相催易白頭

寄東山真覺寺住定師

修撰 羅倫 永豐人

說法誰能不離宗歸林猶聽去時鐘空留大藏三千卷又
向東山第幾峯世外自拚隨落葉門前誰與護長松尋幽
憐汝過支遁早是深公未見逢

登東山送馮掌教

郡守 張弼

落木風高白鴈飛登山臨水送將歸一時景物黃花帽十
載情懷綠酒盃庾嶺無塵侵我扇謝安有月近人衣梅關
明月頻回首醉墨留香在翠微

一回相見一清吟短髮繁霜歲月侵浪跡誰憐南又北曠

大庾縣志

卷之三

藝文 詩

六

懷自信古猶今越王臺上秋風早張相祠前暮雨深莫問
元都痴道士紅塵回首欲投簪

張丞相祠

張弼

時將小至始淒風錦樹溪山富貴冬丞相祠前薦浮蟻將
軍嶺上望高鴻紫雲西北三光近滄海東南萬國通樂與
故人同一醉欲騎黃鶴從飛龍

張相新祠何處尋梅花嶺上最高岑雲封一室藏金鑑泉
滴層階奏玉琴後世競傳開路蹟當年未盡補天心李猶
聳耳青驪遠獨立西風慨古今

金蓮山高明所

張弼

金蓮山上高明所燕坐居然見八荒
虎鬬龍爭俱漠漠
飛魚躍自洋洋
漢唐事往江山在
溪谷人遊草木香
喚醒
平生塵土夢
松風爲我洗肝腸

西華山

張弼

三載約遊西華山
興來今日始躋攀
參差樹影青雲上
遠近泉聲白石間
韓愈有詩題玉井
陳搏無室煉金丹
我來何用傷今古
沈醉肩輿日暮還

寶積寺

張弼

十笏禪房十笏臺
香烟花氣自徘徊
丁甯莫放遊塵到
點破窗前紫翠苔

大庾縣志

卷之十三

藝文 詩

九

陳公甫寓寺連日不見寄之

張弼

何事今朝阻笑談
淒風寒雨暗江南
百年事業知多少
九月光陰又廿三
綠酒且教人酩酊
黃花自笑鬢鬢晚晴
遠過周臺宿細雨
崆峒道士參

法華寺

張弼

南安北寺足徜徉
公務清遊兩不妨
玉版禪師參茗椀
金蓮侍者供檀香
墨花灑灑雙亭雨
劍影翻翻五嶺霜
分付山林老猿鶴
好分一半作黃堂

鴨子湖

張弼

紅光明滅龍珠巷
綠水瀾漫鴨子湖
十里麥風迎去旆

亭松影畔提壺

紅梅贈翁僉事

張弼

庾嶺小紅梅風標天下絕昨日幸同歡今日傷離別玉笛
兩三聲吹落胭脂雪寫以贈同心相攜共明月

寶積寺

檢討

陳獻章

新會人

酒醒迴龍欲二更迢迢秋漏微江城何須不理東湖棹徐
孺庭前月自明

金鰲閣

陳獻章

橫浦秋成百尺橋金鰲閣上見山遙憑高無限歸來思何
處飛雲不可招

大庾縣志

卷之三

藝文詩

三

橫浦橋

陳獻章

乘輿十月猶溱洧子產安知為政在隔江騎馬是何人下
馬問訊張東海

宿中臺

陳獻章

黃菊花開又一年南山無分對陶潛不知風月隨儂否
殺臺中此獨眠

玉枕山

陳獻章

一枕橫秋碧玉新金鰲閣下見嶙峋使君得此全無用
與江南打睡人

梅嶺路

張詔

鑿平初見曲江公潤色今誇太守功惟有道人來往路馬
蹄空遺白雲從

鐵漢樓

通政張詡
參議

樓高風急不勝寒卻把朱絃手自彈彈到無聲夏漏永天
空明月滿欄杆

金鰲閣

張詡

日照孤城北閣高浮生何處息塵勞我來閣上清風滿只
釣清風不釣鰲

鐵漢樓

提學邵寶
無錫人

寶界寺中鐵漢樓江山壯哉樓上頭我來再讀元城傳白

大庾縣志

卷之三

藝文詩

三

晝寒風生遠愁

拜橫浦像

邵寶

橫浦先生像有碑我來曾此一瞻之日新數卷遺書在卻
憶當年下筆時

舞劍臺

邵寶

舞劍臺荒更墨花使君袍笏在烟霞南安別有高明地好
結新亭坐白沙

東海祠

邵寶

先生不作南安郡止說文章足潤身滿路棠陰吟不盡妬
公人是愛公人

謁南安道源堂

黃仲昭 莆田人

乾坤有此三夫子邂逅于斯豈偶然數卷圖書探道妙一襟風月悟心傳斯文統緒承先聖理窟淵源啟後賢我欲摠衣挹温厲德容無計起重泉

謁南安道源堂再用前韻

黃仲昭

聖學湮沉世幾遷先生推闡復昭然羲前至理探無極軻後斯文賴有傳星聚奎躔開道化天將文教付名賢千年墜緒思重續掘井何人已及泉

南安訪同年張東海祠和同年張泰侍御韻

黃仲昭

大庾縣志

卷之十三

藝文 詩

三

南安太守知多少誰復如君有此祠施設總根經史學死生均係吏民思平生不負曾王志終古難磨叔子悲遺像儼然猶不死何須更賦擬招詩

南安行臺賦古梅

兩按郡皆過梅關甲寅重臨樹半枯而花猶自若紀二絕

黃仲昭

橫浦行臺有老梅看花今是第三迴浮生莫歎容顏改鐵榦冰姿亦半摧

鐵榦冰姿亦半摧入門為爾重徘徊獨憐不改堅貞操依舊寒花冒雪開

題大庾嶺紅梅三首

學士 邱濬 瓊山人

淡質幽姿絕點埃
乾坤間氣特生來
花神昨赴瑤池宴
一夜春風與換胎

清姿原自玉爲容
一餌仙丹便不同
怪得風標異凡品
托根今在蕊珠宮

素心的的結成丹
節操依然耐歲寒
他日調羹如見用
故家風味一般酸

題湛泉二首

張九遠 邑人

一掬寒泉萬古清
湛然亭下寄高情
夢回塵世應何日
獨對江雲自濯纓

獨倚清泉小結亭
轆轤聲裏萬峯青
憑誰共試中冷水
春

大庾縣志

卷之十三

藝文 詩

三

酒初香夢欲醒

寶積寺

劉 節 邑人

曲徑重遊地空門
欲暮時報晴在佛鼓
照水淨花枝塵榻
參禪梵紗籠問舊詩
東風爾好事慚我鬢
如絲

法華寺

劉 節

綠酒黃花疇美景
敝冠短髮試高秋
亭臺日落歌僧寺鼓
角風清起戍樓
野老獨追彭澤興
使君應比習池游
青口繞郭堪行樂
江草何須日喚愁

庾嶺紅梅

劉 節

庾嶺初放一枝紅
玉骨何人奪化工
澹著絳桃濃着杏
春

光散在萬花叢

玉池碧蓮

劉節

碧玉蓮花白玉池
天仙標格水仙姿
章江春水高千尺
應與邦人應識詩

金蓮使節

劉節

官亭北接帝王州
使者傳宣出鳳樓
兩度丹書三度節
老臣何以報宸旒

赤壁仙舟

劉節

丹山仙水一仙舟
錦纜牙樯載月遊
欲起東坡重作賦
宛然風景在黃州

大庾縣志 卷之三

藝文 詩

十四

嫦娥秋月

劉節

嫦娥高嶂接蟾宮
秋色雲開萬里同
我愧當年雲步穩
桂花先折一枝紅

玉枕春雲

劉節

玉峯佳氣鬱葱葱
靉靆氤氳滿太空
四海從龍足雲雨
卷舒無迹亦無功

西華層巒

劉節

西嶽峻嶒接絳霄
花宮隱約入山椒
逢僧一語歸來晚
萬壑松風振海濤

東山聳翠

劉節

出郭東林翠色多梵宮轟轟隱巖阿當年着履人何在花
雨樓前一笑歌

橫浦垂虹

劉節

長樓百尺水流東日落霞明映彩虹題柱仙郎今已老祇
教人誦濟川功

靈巖飛瀑

劉節

高巖飛瀑灑飛泉恍似銀河落九天日對素峯吟秀句詩
才李白是天仙

呂仙丹井

劉節

唐家呂進士傳道學神仙丹不在井今人空汲泉

大庾縣志

卷之十三

藝文詩

三

東渡觀瀾

劉節

芙蓉江上水津人識淺深試問觀瀾者何如川上心

秀峯文筆

劉節

雲霞燦如箋秀峯銳如筆千古中書君應待詞人出

蘇步坊

劉節

南楚有蘇坊嶺南有蘇渡當時立朝人不知在何處

南山聳秀

劉節

江北山多秀江南秀更奇羣峯侵漢拔孤塔鎖烟危筆聳
詞鋒銳屏開錦帳垂我慙韓吏部一掃萬言詩

書臺疏秀

劉節

秀色新標勝叢書舊築臺琳瑯開草莽珍佩聚英才岳麓
風烟接文星光燄回千秋名教在爲我掃莓苔

賢女祠

劉節

投江合在許吳時此義分明女不迷直待吳亡方覓死合
人認作蔡郎妻

吳郎不死女何歸女志難將父命違捱到結褵終是死死
魂還向蔡郎飛

題梅國書院三首

尙書 湛若水 增城人

山造孤城帶溪幽居溪畔與城西王翁獨擅溪山勝消
得泉翁來杖藜

大庾縣志

卷之十三

藝文 詩

三

樓外臺前沼引溪樓中充棟與雲齊半年恭默開羣籍學
禮無甯但學詩

書院初成桃李樹即看桃李漸成蹊背山莫訝劉園僻起
舞還應聽曉雞

君子堂

原註時陳堯守郡

湛若水

君子堂開君子題君子去後遺人思後來居守者誰子太
邛愷悌吾無疑

吟風弄月臺二首

湛若水

金龍閣上看山來爲仰前修陟古臺弄月吟風乃何意英
蓉自對菊花開

臺高吟弄蓮君子鐵漢樓開對墨君宇宙無窮今古事人情類聚又羣分

玉峯院

劉寅 邑人

小院何時闢客子住多年半榻應猶在雙趺故隱然五龍時布雨片玉欲擎天更有元珠在無勞砥柱懸

呂仙丹井

劉寅

此井傳聞呂棄丹盡言飲可注朱顏如何道上相逢者三十年來兩鬢斑

嶺北早行

參政徐璉

節旆晨鐘發肩輿野徑行碧天星漸落滄海日初生風細

大庾縣志

卷之三

藝文詩

三

敲松韻泉香瀉澗鳴塵埃籌世事頓覺利名輕

壟遊

何昞 邑人

小蘭亭寄石泉西磴轉龍屏信杖藜望裏雲停家壟鬱懃邊鷓在古松棲觴流醑醉東風醉句就敲推白日低髣髴永和今上已蘚崖鐫破翠留題

遊亞東山題壁二首

何昞

最愛東山僧舍幽迴看章水破中流萬家城市西南折一帶橋船上下浮護徑古松成禿髮開雲遠岫出罨頭謝安妓魄飛蛛蝶蠟屐知春不負遊

山寺春高載酒遲鳥聲猶在落花枝瑯琊永叔醉能記修

覺少陵狂有詩碧蘚坐溫敲句石醜顏酌費聽泉屺等聞
歸去墨莊晚那得白雲明月隨

赴呂侯飲

副使方豪

淹留逢地主不道是殊方帶雨穿花徑披雲敲竹房酒林
春未老棊局日初長此會何時再江山思渺茫

和都憲梅國先生壁間詩

方豪

策馬迴龍寺春山雨霽時佛香燒柏子歌袖拂揚枝鴻雪
多留跡鶯花總入詩醉來拈秃筆墨汁灑烏絲

和方使君韻

郡守呂律

宿雨留征旆乘閒逐上方苦衣清客座香霧繞僧房雲濕

大庾縣志

卷之三

藝文 詩

天

山光暗橋平水勢長明朝隔庾嶺搔首立蒼茫

過峯山城

都御王守仁餘姚人

猶記當年築此城廣徭湖寇尚縱橫民今樂業皆安堵我
亦經過一駐旌香火沿門慚老穉壺漿遠道及從行峯山
駑手疲勞甚且放歸農莫送迎

寄題鐵漢樓

尚書陸樹聲華亭人

君不見趙家中途業解紐章蔡何人能假手元城夫子七
尸軀投荒半向嶺南走歸來長揖遇坡仙訝此錚錚眼中
有張公草聖雅尚友磊落奇胸墨三斗興來吐作千龍蛇
護此天南一培塿想其放筆尚豪舉拍向紅塵試回首昔

人已往魂難招黃金誰爲鑄不朽共看滄海成茫茫何物
冥兀相悠久

游雙鶴巖

孫應嶽 邑人

誰關崑崙作十洲千葩萬卉吐瑤樓芝房紆曲迷雲曉雪
羽低徊浴露秋帝遣真人開草昧天移貝闕鎮浮邱縱令
有待乘槎客自是神仙不可留

羅漢洞

孫應嶽

老宿何年入幽巖花石奇香藤枯啗鼠花雨潤浮龜隱露
穿潮遠痴龍聽講移我來共說法應爲點鬚眉

張龍田招集沙谿寺

孫應嶽

大庾縣志

卷之三

藝文 詩

完

不是前朝寺誰分一瓣蓮久無獅子吼驚破野狐禪花雨
迷銀漢寒雲漱玉泉欲尋槎上月且此問張騫

燕子巖

張應崧

燕泥封未穩漏出洞中天石聳千章木雲開五色蓮丹成
砂顯熟甘透玉泉鮮莫漫疑真幻非凡即是仙

度梅關

都督 戚繼光

溪流百折遠青山短髮秋風夕照間身入玉門猶是夢復
從天末出梅關

秋發庾嶺

湯顯祖 臨川人

楓葉沾秋影涼蟬隱夕暉梧雲初掩靄花露欲霏微嶺色

隨行棹江光滿客衣徘徊今夜月孤鵲正南飛

金蓮寺次張東海先生韻

王錫爵 太倉人

近城古寺可徜徉百遍禪關叩不妨眼底羣峯秋氣爽塵
中何處雨花香殘鐘過午遲留客雙樹當檐好耐霜為憶
勝遊東海句清和更訪舊時堂

九日登東山漫賦

王錫爵

客有登高興東山最上頭雙城全入畫萬木未成秋目極
天邊雁情親水面鷗故鄉渺何處籬落菊開不

題楊梅城紗帽嶺

黃士俊

當年九日落龍山委向秋風未取還花映研光垂側注松

大庾縣志

卷之三

藝文 詩

三

搖螺粟滴烟鬟恍如春雨彈新沐況在寒雲抵水閒最愛
晚霞聯綴處貂蟬高擁照斑斕

清

南安道中

陸 棻

溪山舊是南康郡山下何時築五城二十餘年新戶口幾
家茅屋午鷄鳴

南安道中

陸 棻

章江百折走千峯南粵車書一道供負耒新民終是客佩
刀久戍不為農買魚舊浦知何處看鹿高山第幾重往事
淒然成記憶浮雲天地老孤踪

渡雙牌峽

程可則

凌川南上路嶮崦忽到雙牌水氣昏帆向夕陽爭古道天
留孤壑峙江門沿洞百折灘聲急明滅千峯樹影繁谷口
忽聞雞犬喚人家疑是武陵原

行部至大庾

丁偉

五嶺襟喉地荒城踞水濱市虛經戰伐土瘠廢耕耘雨暗
丫山樹天低橫浦雲黍苗今漸熟碩鼠漫成羣

梅關佛寺題壁

魏祥 甯都人

舊國飄零別恨新梅花滿嶺正青春往來各不問鄉貫彼
此同為行路人福地丹青塗赤子 創寺者董將軍梵王樓殿接紅

大庾縣志

卷之十三

藝文 詩

三

塵忙餘歇脚閒瞻禮尺五天頭尺六身

梅嶺

魏禮 甯都人

久意庾關勢摩雲行來十馬可齊輪乃知奇險因豪傑為
笑虛名誤世人新草年年生道路布衣落落老風塵誰能
弔古悲秦漢尚有張公廟貌存

題南安寶界寺

王貽上 新城人

古寺興亡閱幾秋諸賢誰遣到炎州可憐橫浦關前水猶
遶當年鐵漢樓

張文獻公祠

王貽上

峽寺重雲裏人瞻丞相祠開元如夙昔風度想當時羽扇

三秋恨淋鈴萬古悲何來雙海燕猶自入簾帷

歸度大庾嶺

王貽上

大庾連橫浦艱難此再經鬢從五嶺白山入百蠻青嶠水流炎海榕陰數驛亭今宵望南斗漸遠使臣星

抵南安

王貽上

嶺南已負荔枝天橫浦重過意惘然暫借谿樓看山色蠟花如雪寺門前

南安客舍逢陸郡伯兄

世楷

以滕王閣詩見示漫賦

朱彝尊

憶昨君從柘湖至揚舫爭發吳趨市京口相逢借問君樣

大庾縣志

卷之三

藝文 詩

三

舟揚子江心寺晴雲縹緲散碧空歟忽破浪生長風孤舟如巨魚鼓鬣洪濤中川原迢遞不可極布帆飄忽隨西東我從鹿渚超長簿君到洪都更棲泊遠望開襟彼一時憑高獨上滕王閣茲樓崛起天下雄珠簾繡柱垂文虹當年王師此高宴一時詞賦推羣公留題真蹟不可見烟雲過眼須臾變古來文采光燄長千載王郎信堪羨君家兄弟才難伍萬里聲名動江左揮毫落紙氣凌雲坐令長才失千古我亦天南萬里行白衣搖櫓度江城閉雲潭影徒回首南浦西山空復情大庾城邊日將酉下馬逢君復攜手座上新開北海樽客中飲載蘭陵酒酒闌相示絕妙辭九

莖勝食玉房芝曲終定有湘娥怨讀罷如聞帝子悲當前
勝地不得賞令我沈吟一惆悵舟楫重過定幾時雲山滿
目知無恙明發梅花嶺外看長從驛使報平安側身天地
多知己且莫頻歌行路難

度大庾嶺

朱彝尊

雄關直上嶺雲孤驛路梅花歲月徂丞相祠堂虛寂寞越
王城闕總荒蕪自來北至無鴻鴈從此南飛有鷓鴣鄉國
不堪重伫望亂山落日滿長途

庾嶺三首

朱彝尊

不隨野雀棲不挹斜階流願茲非我鄉胡然久滯留侵晨

大庾縣志卷之三

藝文詩

三

陟長阜亭午次崇邱九九青松偃鬱鬱元雲浮有拊自東
來畢竟忽西遊徑夫念獨宿徒御方相尤

相遊夫何爲獨宿在車下往矣歲聿除來思月惟夏大儀
互迴游芳華兩徂謝迴車感長途如歲匪遙夜我馬旣已
瘖征夫本靡暇日旦候雞鳴嚴程起夙駕

夙駕踰秦嶺連岡勢逶迤一爲愁霖唱慨彼東山詩沾我
征衣裳素絲以爲緇不愁裳衣溼所嗟徒御飢薄寒忽中
人不異三秋期言旋雖云樂翻使我心悲

謁張曲江祠

朱彝尊

峻坂盤神樹陰崖鑿鬼工芳塵羽扇冷春燕玉堂空不覩

關門險誰開造化功經過遺像肅十載嶺雲東

晚過東山寺

朱彝尊

飛閣流丹蝕層巒積翠多松閒明月在惆悵下山歌

過梅嶺

史大壯 鄱陽人

朝過折梅亭曾無一梅樹古人驛使情悠悠對行路午陟
梅嶺頭梅花向客笑何人堪寄贈欲折愴懷抱插天一關
殊險惡一夫握刃萬人卻尉佗恃此僭尊號跳梁不奉中
原朔倘非漢文服以柔用兵徒使黎民愁吁嗟漢文固英
后尉佗能順亦能守後代建旌大將胡為不及佗敵兵未
來已拋戈

大庾縣志

卷之十三

藝文 詩

三

出嶺抵南安

中丞 郎廷極

一百里梅關迢迢去復還重尋江上路不見粵中山猿狖
空濛外芙蓉水石間曲江祠廟在猶仰昔時顏

早發大庾嶺

喻 周

波行棹始弭捨舟遂納麓樹輪半相糾眾力方交逐石路
多乘危岫壑環往復蒙形表自然蘊奇增駭矚疊壁護蒼
寒日氣午難旭祠宇方入雲籃輿競遵陸庾勝與梅銷二
名不專屬南北盡日程去來各栖宿休暇如能謀希聲散
空谷

登梅嶺

郡司 趙開雍

磴道通吳越殘碑尙勒年高攀一線嶺下瞰百蠻天偃壑
龍鱗古懸崖鳥道穿山靈須擁護萬里絕烽烟

大庾嶺 一名梅嶺

尙書 李 紱 臨川人

岷山之陽至衡山蜿蜒磅礴柳水間五嶺連綿一千里大
庾矗立尤嶺岢峯巒東走絡吳越坡隄南下開甌巒名山
際海萬無算粲若星宿來迴環孫曾滋大祖當念柯條雖
繁根不刊我來孟夏日已暑半空儻歛風雨寒初緣仄逕
入烟靄直盤層岫窮雲端怪石對列虎蹲怒長松百丈龍
拏騫雲封佛寺漫荒忽曲江像設猶嚴尊振衣俯瞰浩莽
渺山川漠漠無涯垠羸劉世遠不可考鉤梯開鑿誠茫然

大庾縣志

卷之三

藝文 詩

三

強爲山靈立名字因緣庾勝連梅銷時清四海等同室至
捐險阻開重關安事陸賈騁詞說豈煩楊僕橫戈鋌乃知
威德自廣大皇華萬里通輶軒登車郊循曲磴下劃然一
笑海天寬

謁張文獻公祠

李 紱

大業開炎服高文振海疆衣冠猶肅穆俎豆久芬芳唐室
逢中葉開元啟盛王維公應名世於國屬明良秀拔孤生
翠奇占九鶴祥魏科重伊呂芳譽起王張諫草羣公敏
屏兩制當南郊歡大報中詔洽殊方箴說均恩賞規範
啟揚百僚擬風度獨步向文場上壽千秋鑑談經七寶林

外言警房幄流品別河湟邊將功雖抑讒夫氣易昌李牛
自狼狽安史竟猖狂徒失東門嘯終成蜀道亡淋鈴傷夜
寂羽扇悵秋涼事去言猶在時危節愈光聞風興百世下
拜酬三勳來者懷明德征人指故鄉豈惟開嶺嶠合用薦
馨香旌節官程亟牲牢秩祀將此行真向若他日愧登堂
惆悵驅車路高山意不忘

梅嶺

魏際瑞

五嶺關門第一程嶮巖曾見昔人稱自從南越不稱帝而
到如今道路平絡繹輟車奔佑客蕭條驢背上書生英雄
都尉成陳迹都使梅花浪得名我梅嶺以
梅銷得名

大庾縣志

卷之十三

藝文 詩

三

庾嶺

胡會恩

巨靈劃疆索坤維玉奠麗五嶽時中原端嚴若侯衛奇險
設邊陲用作蠻荒蔽維茲南海隅屢屢聯地勢羸秦遺睢
祿拱手資魁髻桓桓梅將軍開關奉越裔兩雄時並驅不
聞連縱計臺侯久歸漢尉佗尚匹帝撲滅須再傳勇夫賴
重閉剗削萬仞餘盤紆鳥道細唐相關鴻濛鑿道營甃砌
輪蹄漸以繁虞衡通象柱我來拾級登頂拂烟霄際千章
綠榕蟠四塞黃茆翳行旅雖駢闐不于慮顛蹶仄徑或摩
肩爭道或攘臂揮汗成霖霖炎雲蒸昏曠擔簦喘息停郵
亭暫飲憩絡繹海賈裝磊砢珠官稅齒角殫犀象羽毛竭

翠巖邪許曳奇木細瑣甃甃蕉荔縑賄與賅筒捆載復輦遞
扶霄不愛寶搜抉窮根祇離方固多奇物力恐難繼下睇
羣小峯石骨露廉劇羅列若兒孫僂僂似陪隸環坳斗絕
巖何異蟻垤綴熙朝通越裳贊貢無虛歲億祀達梯航此
嶺行如礪穗石侈農祥白旌何妨戾願灑甘澍涼炎方洗
瘴癘

將至南安作

郡守 陳弈禧 海甯

郎吏紛紛夾道遮連朝迎拜使君車銅符再剖來東嶠玉
枕遙尋問白沙春過麥疇成樂土身安山郭欲忘家并無
琴鶴人休笑幸有宜城酒可賒

大庾縣志

卷之十三

藝文 詩

三

香泉雜詠十二首

陳弈禧

盧閣滄波上湖山結好緣莫愁微雨過正是養花天岸隔
漁家火門臨酒客船旅懷清謀足高枕一樓烟

高樓烟水外積雨易黃昏花氣香歸榻潮聲靜到門琴鳴
孤鷺引畫補遠山痕剪燭西窗夜鄉心欲斷魂

到來入境別躡屐破香泥門倚千峯秀松深一徑迷風開
花上下泉引竹高低始信山僧樂何曾識馬蹄

連朝新雨漲溪流夾岸風聲入耳幽今夜喜逢湖上月荷
花深處一停舟

兩峰高插白雲層入暮烟畊積翠凝山磬微風吹斷後疎

林明滅是禪燈

長湖平靜曉烟冷幾處笙歌醉醪醑多少嵐光空際落輕
舟載得萬峯青

朝旭方臨酒舫開暮烟紛起未知回偶聞欸乃青谿出幾
點魚燈面面來

何處西風起夕陽離離寒影欲沾裳潮聲晚到江如練嶺
路秋交草漸黃鐘動寺門催客臥雲歸山岫逐烟長松根
老去無消息曾歷當年宋殿霜

結侶間幽棲春遊過大隄澄湖羣鷺浴新柳一鶯啼雲湧
波光亂山連雨脚低故園渺何處疑隔數峯西

大庾縣志

卷之十三

藝文

詩

三

綠水明如畫潮中人漸稀西風吹白桂良夜滿清暉船泛
冰壺去身從瑤島歸不知前浦路霜冷溼蓮衣

山自周遭水自灣斷橋斜對夕陽間滿隄芳草聽鶯出半
嶺孤雲待鶴還時序漸誇春月好天心獨放散人閑當年
莊惠清談後應許忘機屬老頑

踏遍層巒樹杪泉興來直欲枕流眠山同西土猶存粟社
異東林別種蓮竹密影藏雲外迢鐘疎聲出谷中天披襟
笑向烟蘿語不覺江瀟落檻前

暑齋曉起

陳奔禧

山迴玉枕抱江趨臥治雙城亦慰吾簾閣曉因公事起花

梢先有畫眉呼

春陰漠漠風遲遲山鳥弄春人不知新綠滿窗花漸落多情何異石阡時

出郡南門登舟

陳奔禧

才穿橫浦下迴湍便望蒙川仰翠巒晚日竟爲三伏暑夜行偏作五更寒呀呀櫓歇山前月磔格舟磨石底灘畫諾又成千里役不遑喟惜道途難

大庾蕉月灘上曉行

陳奔禧

此幅新圖億萬錢染成一筆合天然峰巒秀潤王摩詰水木清華趙大年風灑曙簾人自起烟烘初日景尤鮮低行

大庾縣志

卷之十三

藝文

詩

三九

白鷺斜飛過漠漠青秧又滿田

同陳香泉太守坐綠陰亭適秋雨催詩疊韻二首

呂熊

翠蔚千重合孤亭到此深山從林杪出鳥向竹邊吟幽草騷人意清泉太守心脩脩疎雨過松籟似鳴琴

一雨山容變烟嵐萬疊深何須竹林隱恰有醉翁吟酒足添幽趣柑能助苦心此中清獻意常伴鶴和琴

登梅關

郡司馬遲維璽

曉來乘輿策青驄入望關山勢獨雄浦上久誇秦塞險巔頭舊表漢侯功黃梅心印紅梅障雨粵咽喉百粵通遺澤

至今誰不朽曲江東海兩張公

橫浦雜興四首

遲維璽

郡賴先賢佐人知理學崇庸才殊自媿
雙城環曲水四面聳層巒欲問消閒處山川不盡看
梅嶺晴雲曉東山雨氣涼登樓頻遠眺晴雨入詩囊
鳥語聞朝暮花香歷四時秋風高樹頂更有鶴棲遲

九日登東山悼陳香泉

遲維璽

章門握別時曾訂登山約山色秋逾佳人生有悲樂俛仰
臺榭間聯額倩誰作辜負白衣來珍重黃花落聚散不自
由未免生短縛念君六十餘健飯猶矍鑠一朝長嘯去孤

大庾縣志 卷之十三

藝文 詩

四

魂竟何著緬維庾嶺間飄然應騎鶴莫以茱萸觴如共我
悲酌嗟乎永離居雲水空捉摸

懷鷗溪先生

邑令 武承謨 孟縣人

深藏梅國號鷗溪沒世誰將隱士題欲訪伊人高蹈處白
雲縹緲數峯西

庾嶺紅梅

邑令 章 緒 富陽人

重關春色故依然偃蹇紅塵不記年石谷何能移檻月南
枝獨得倚闌天閣中清嘯王孫去嶺外驪歌驛使旋莫謂
居停頻折損江城五月掌花仙

赤壁仙舟

章 緒

丹竈升騰事已非
嵯峨猶見白雲飛
空餘姑射金華麗
無復終南玉液肥
絕壁石欹迴錦纜
臨江湍急困危磯
一從開鑿成通徑
徒使漁人學採薇

西華層巒

章緒

遙挹滄崧萬仞峯
雨餘蒼翠溼芙蓉
憑空捫石天門合
隱約寒苔仄徑封
遺蛻虛亭傳白鶴
古藤斜壁掩蒼龍
探奇不淺登臨興
便擬盧敖杖策從

紀大庾嶺六絕句

劉友友

余東粵之遊取道贛之信豐龍南以達於連平比旋值酷暑度大庾嶺病臥竹堦中不獲一領其勝

大庾縣志

卷之三

藝文詩

三

概亦恨事也頃閱南安郡志載嶺事頗有異同因成六絕句用正舊志之誤並補余紀行詩缺云

秦皇橫浦初勤戍
漢代將軍專築城
爲道海南爭戰久
嶺頭幾歲得休兵

臺嶺列秦之五塞
如臺一石古今平
此間舊是將軍宅
不爲封侯嶺得名

匝路曾聞庾嶺梅
南枝落後北枝開
我行不及春風候
孤卻天涯驛使回

嵯峨一寺白雲封
拾級登臨歷幾重
笑我風塵長僕僕
下山愁殺病扶筇

曲江開嶺通車馬緣磴披襟歲幾更更羨蔡家好兄弟朔
南嶺路一時平

東海先生才絕奇文章政事總堪師自從驛路人均利悅
仰誰忘去後思

秋日感賦

劉文友

愛客炎蒸倒屣迎憐才真見古人情何圖解榻眠纔穩忽
訝援琴聲不成菊綻最憐誰得句尊空幾憶對飛觥一編
刪述將過半擲筆深秋淚欲傾

自郡齋初移胡氏園亭夜坐二首兼酬遲荆山司馬

劉文友

大庾縣志

卷之三

藝文 詩

三

歸裝戒有日旅館忽重移孤亭徑曲折面面俛清池老樹
兩三株月出影參差寒光透窻隙淵魚時我窺侵尋深夜
來漏下疑遲遲鷄犬寂無聲枯禪境誰知識此靜中趣役
役空爾爲

江河日以下古道疇崢嶸當官志温飽以此爲光榮雲雨
翻且覆死生異交情我常閱世態囊劍驚欲鳴司馬今賢
者力挽末俗傾自言范張友氣誼敦平生嗟彼良太守杪
春蒞山城相與慶同調伐木歌丁丁廢墜急修舉憂虞晨
夕并典型忽云沒別淚時縱橫坐看風教頽毋乃吾道輕
隘言學宮地茂草薶方新郡乘百年來纂述將無成茲事

屬伊誰一一懸心旌薄俸非所惜次第勞經營虛衷訪末
士緇衣好逾真館之市城間而無喧囂聲寂靜適吾性檢
書忘深更努力酬知己詎用獵浮名

項伯仁假寓東山惠詩卻答

雷迪如 邑人

暗數春殘積雨濛山腰嵐影半天中蓮花夜漏分時滴柏
子香飄繞徑通書畫儘堪作佛事酒泉亦許建侯功君身
如坐虛舟裏雲物閒看鳥亂空

寶界寺

周安瀾 山陰

踏破青苔寶界遊纖塵不到寺門幽無端俛仰增惆悵何
處當年鐵漢樓

大庾縣志

卷之十三

藝文 詩

三

斷碣殘碑石殿前墨痕壁上幾人傳自從坡老經過後歇
絕風流五百年

夏日同友人登大庾嶺

陳世泰 海甯

雨風驅暑導盤跚攬轡登臨動笑顏人憶庾梅留勝蹟地
同蕭散峙雄關萬重松竹深藏寺一段烟雲暗護山邈矣
空尋泉與石不知何處是無還

遊東山寺

姚士賢 桐城

出郭恣登眺新晴萬象開衆山環寺古一水抱城來老樹
欹沙岸輕烟護碧苔數椽茅屋小亦覺遠塵埃
山城經浩劫村郭半成墟古寺靈光似川原陵谷餘溪聲

喧石急茗椀送香徐指點前峯外烟雲自卷舒

次韻

陳廷桂

東山隨處有蓮社待人開未向虎溪送先從鳥道來山空
翻貝葉徑曲老莓苔獨立凡塵外翛然不染埃
縱目禪關外徘徊歎古墟花隨殘照落草是劫灰餘放屐
難追謝掃塵若待徐疎林全不蔽望眼得頻舒

次韻

孝廉 雷鳴泰 邑人

春暮雨初霽山山夕照開憑高萬象出隔岸片帆來小徑
藏深柳閉房長綠苔巖崖郭外迴竟日不纖埃

山城百戰後并邑半邱墟飛鳥晴絲外炊烟積雨餘疎鐘

大庾縣志

卷之三

藝文 詩

四

聲隱隱歸路步徐徐回首望林薄長雲自卷舒

秋氣催人晚誰題司馬橋蕭蕭霜露促冉冉歲華凋可滌
塵埃想能消劫火燒登山共覽勝獨我意迢迢

大庾縣志



藝文

清

道源書院示諸生兼別山長歐陽畏存

督學金 姓

道存濂洛通淵源厥初請業從南安千秋講習真第一勝地更喜登東山後來衍派備五子當日開先推四賢主賓師友德星聚父子兄弟天倫全茫然墜緒此焉續聖域未達超賢關會聞五緯有餘氣蚤識四科非一班有宋人才應奎璧南北蔚起相後先文章經濟與風節有醕可取疵

大庾縣志

卷之十三

藝文 詩

聖

可捐高明不必盡講學自於道學掩其根黨同伐異了無謂此習明代仍流傳良知絕學本心悟德性獨尊非異端鵝湖鹿洞未水乳不聞培擊同魔禪一時蠶起競詆斥并向功業尋瑕癥至今定論自有在笑他多口徒紛然學術分途性所近偶然意見能無偏惟賜與回早推服若游與夏嘗譏訕偕之大道兩俱得並列十哲無慙顏君子不爭亦不黨洛蜀何乃騰波瀾先賢儻復挾成見紅爐點雪甯空言吟風弄月聚茲土神交想像餘清歡精廬本為周程關正寢巖奉如中權別開高閣俯人外五高公居離合間前楹顯面祀新建有明一代誰差肩我來登降各瞻禮歎

息位置神霄安教思功德稱俎豆風流文采輝山川邦人
於此致崇報便合興起謀追攀諸賢並是秀才做豪傑乃
出凡民前矧今文治煥雲漢鳴鳳止集桐生蕃朝陽爽塏
此其是養成苞采期狎天先儒固不重科舉干祿頗復傳
詩篇青雲從此致身始何必藏器抱璞完斯言抑豈以利
誘得意行道惟所便典型未遠杖履接毛羽不豐霄壤懸
古人亦自望來者嗟爾多士其勉旃此中佳處善點綴樓
臺虧蔽依林巒老我殊艱濟勝具適興更爲地主煩重城
全勢暫臨眺一水未測魚腸彎逡巡夙駕旋催去心亦畱
戀難遷延歐陽經師老且健拋書趨送凌噴吮姑作漫語

大庾縣志

卷之三

藝文

詩

吳

與之約再來共爾窮遊觀

開元銅鐘歌

金甡

南安古蹟雲煙空偉觀去尙有開元鐘二十九年歲在巳
語女道士范用銅滄桑彈指闕千載出入二氏同飄蓬官
司何日代典掌遣應衙鼓鳴西東我初奉使度嶺嶠邦君
迎送殊匆匆今來訪古得賢守爲昇簏簾陳庭中沈沙幸
免總棲陸瓜皮淨綠朝陽烘倒懸寶鼎薄光景曠暝似有
青雲蒙諦觀雅製尙素樸厥口平直如截筩水田衣樣八
區列上下界道分衡縱鑄作精勻中規矩餘力雕鐫歸旋
蟲雙螭盤結鑲紐壯蒲牢高踞厯倚蛩自停考擊託瘖啞

待我小叩聊從容細按圖經辨款識洞清鍊冶從仙宮漁
陽鼙鼓遠無震天復寇亂攢山蜂將軍百勝枝鹵獲不數
旗鼓嘉維鏞安禪徒就畫錦院藉以祈福兼銘功鯨鯨徐
度天水碧至大紀元元運隆靜極復動驗物理有大力者
還移供頭銜亦畧有階貴但表檀施去無勲庸通真道觀
本清淨流轉尚不離其宗在明約計如在宋中間去住難
窺踪卽今安穩闕官寺永杜伏莽辭穿墉晨昏百八并忘
卻任他蕊撞嘲疎慵三緘靜守聖人戒千古知者心水豈
生憎續刻效顰起公媪祝願憑心胸擬諸疥壁費洗滌欲
取礪石加磨礪卻愁緣此古色滅刀痕又待花鈿封苔瑛

大庾縣志

卷之三

藝文

詩

七

土繡少文飾息黥補劓嗟途窮人間那得免缺陷面涅何
足傷英雄微疵撥棄勿復道金石錄應蒐採充亂離預識
兆天寶歲紀畧堪追景龍羽客良非玉環比清韻甯屑覓
裳同暫逐浮萍換棲泊幾見劫火能銷鎔精英不滅鼎彝
重神氣宜與仙靈通廿載前頭交臂失作歌志喜誇重逢

王文成紀功碑

督學

金德瑛

仁和

甯蕃亂氣方崢嶸不知上流有文成逆書達朝朝士擾中
樞端坐唯王瓊虎出捕鹿羆據穴一月遂破南昌城羣尸
漁舟不可渡婦言弗聽涕縱橫濠也猖獗果何濟天爲系
許雷忠名大賢指揮坐武帳春風談笑攜諸生自言勦業

本餘事試手卻令貌貅驚縱之復擒匪所難敢導天子爲
佳兵公族行誅當慘怛臣子守職掃欃槍茲捷豈足擬中
興基間頃刻浯溪銘得毋矜伐謂元凱山靈無罪顏爲鯨
當知明室勢外重干戈往往起宗盟前有漢王繼安化爪
牙護衛皆鯢鯨流傳庶足示炯戒一寒逆膽消奸萌到今
銀鈎鐵畫在光耀斗牛潛鼯猩有人如此真豪英撫掌豎
子真蚩氓胡不安樂效乃祖囊雲閉看廬山青

謁道源書院

金德瑛

孟後千餘載周子紹微言生知無師授獨臻闕奧全得二
程子徒日月回中天南安雖僻郡司戶栖龍鸞大賢過化

大庾縣志

卷之三

藝文

詩

巽

處飲水應尋源胡爲過嶺士競慕南華禪修途闢易塞野
火撲更然英哲尙迷方狂走如風顛太守篤經術仁讓變
鷹鷂一綫扶正學辛勤歷十年郡東峙佳嶺秀色羅雲煙
剪除伽藍宇改作禮儀門堂中四粟主俎豆昭吉蠲民懷
功德在配以王伯安典型良不遠百世與懦頑十室有忠
信入里必式焉甯謂四邑陋不足與陶甄招徠青衿子贊
舍數十間擇師具餼廩琢磨成瑛璠我來一登拜俯仰發
清研靈月光風境宛然落目前君政異俗吏必以德教先
邦人如鄒魯君名實不刊

南安蔡公子清岷家鏡伊明府昂游了山

袁枚

峯作雙丫勢名應配小姑溪深乘筏渡石墜倩藤扶有瀑
山才活無僧佛亦孤不知蒼耳子可認白雲夫

過梅嶺

袁枚

南界一橫嶺拔地三百丈想見趙尉佗借此作屏障樓船
十萬師到此氣凋喪一朝雖掃除王道未坦蕩直至曲江
公蠶叢始開創峩峩當關門尚有斧鑿狀樹密嵐翠湧人
多雲氣讀蛇盤不覺險鵠立始驚壯過此路漸夷天容如
一放尚有八九峯孤蹲野田上

高岡鳴鶴

蔣士銓
鉛山人

大庾縣志

卷之三

藝文

詩

四九

聞有仙禽唳翠微修翎來往破煙飛九皋秋老棲寒露五
夜江明夢羽衣前代祠堂餘講席東山絲竹近書幃故應
老作梅花長屐齒頻過俗事稀

層巒花秀

蔣士銓

捲簾嘉卉映胡牀步障花穠錯彩張臺砌對人無俗艷芝
蘭入座有孤芳七層虛殿中庭錦百和濃薰小院香見說
黃筍多位置不勞橫幅寫春光

奎光映塔

蔣士銓

象教巍然列宿分欲攜壯士睇青冥高標過影翔雙雁東
壁流光聚五星夜靜樓頭瞻斗氣月斜天上語風鈴瀟瀟

攝級題名字俛視齊煙九點青

橫浦臥龍

蔣士銓

垂虹下飲一江明橫浦風微錦浪生粵道南來通九柵興
梁中巨鎖雙城何年陶瓦初營室當日樓船久罷征襟被
未堪題柱去恐勞人問長卿名

觀瀾倚櫂

蔣士銓

石壁高懸古岸隈不須濠濮始低徊山亭一面臨江出雪
浪千層破峽來急雨漲寬沙步穩圓波風淺釣船開振衣
許我同盤薄當遣魚龍舞十回

挹菁望蹊

蔣士銓

大庾縣志

卷之三

藝文

詩

季

芙蓉朶朶遠山痕拄笏虛亭翠可捫常有煙雲浮几席不
知林莽異朝昏虔南五嶺爭排闥章水諸生半在門彷彿
環滁行樂地日借賓從引壺樽

雙城合璧

蔣士銓

樓櫓雙分百雉崇炎方形勢控蠻中亂山城郭東西市落
日帆檣上下風四邑關河窮大庾萬家煙火帶南雄行厨
漫說宜春酒欲訪梅花夢未通

曲水聯珠

山泉如帶繞巖阿亂沫涓涓瀉薜蘿雪練織紋鋪石面風
琴落響濺盈渦幾人習靜占重坎是處流觴似永和明日

親嘗甘冽味試將茶竈一經過

玉池蓮碧

蔣士銓

水花低繞坐譚經茜色疑分半沼萍豈有紅粧擘翠蒸卻
攜冰盃醉芳馨根來淨域香宜遠人繼濂溪眼自青漫卷
天機雲錦段秋容鏡裏正亭亭

竹谷風清

蔣士銓

涼颺拂拂籜龍寒約畧簣簞谷裏看鐵漢妙能參玉版旅
人饑欲乞瑯玕寫圖聊復宜風月坐嘯終當引鳳鸞回首
羊求三徑遠擬攜雙屐暫盤桓

蒙川映月

蔣士銓

大庾縣志

卷之三

藝文 詩

三

空明一勺淨琉璃乳竇深涵影半規冷月最宜臨水夜青
光會照著書時澄潭浪細鷺驚釣山館人稀客下帷好覓
仙翁參妙旨冷然風露重相思

正氣流丹

蔣士銓

傑閣凌空萬古存飛簾百尺對斜曛何人氣節傳青簡此
地樓臺依白雲抗疏千言會伏闕臨危一日竟從軍山中
誰復畱遺跡揚扆流風屬使君

臺嶺

郡守

游紹安

福清

秦皇拓南服謫徒戍五嶺蟻渡橫浦關螺轉九層頂彳亍
行蒲伏背負艱笮笮遊仙隘入粵伏莽防獸猛曲江內供

奉奉詔鑿山堦真頑阻路石千椎腰脊打掉臂履周追兩
壁削立挺屹然天地險一夫可制挺有宋蔡提刑發甓免
泥濘明守張東海易砌石平整廣袤廿五里盡鋪南安境
稽嶺本名臺形與廩廩等作南郡巨鎮北瞰江西省曰梅
又曰庾臺名韓淑洽因銷關改梅爲勝庾稱並後人相沿
訛種梅實佳境寄梅梅花國碑扁均失訂春秋祀二張五
馬駕小輦憩息雲封寺四望日光迥江廣畫界疆南北人
分影長嘯起遐思等然而引領在昔番禹尉井底竊蹕警
始與陳霸先逐鹿馬蹄騁卓哉洗夫人世代貞忠秉可憐
一塊肉蒼黃急走鋌明季祗餘燼逆藩胆化梗歷溯千百

大庾縣志

卷之三

藝文

詩

三

年咽喉每噎哽非才守要衢昇平遭逢幸撫馭軍與民安
居不忘做門戶寄鎖鑰江山做藩屏夙夜惟匪懈兢兢虞
短綆身非孟浩然敢傲林和靖寒煖任天工高歌讓楚郢

玉枕山

游紹安

玉枕郡主山治北不違咫巍然三百仞分派自五指連延
舒兩麓似枕名以起美秀含光輝近郊易舉趾在昔周濂
溪杖履適道履傍花隨柳行徒輿霽光裏予忝居是邦慚
非東海比君子至於斯何由倒余屣願步詩話筒清風山
終始維山永奠吾赤子兩岡龜鐵長扶倚高臥山巔對婦
娥萬姓舍呻歌樂只

西華山

游紹安

賜雨慶時若婦子有遺利駕言出西洞同官齊緩轡氣爽
秋風清晏天色如翠隆嵒峯在望共仰西華歸舍車勞足
力磴轉戒顛躓石壁直削成瀑布下壁亟攀躋登平岡赤
脚僧迎寺古佛長寂寂廊除皆農器問僧何毗野對以山
田易今年倍刈穫大眾齋糧積寺前石澗深云是神龍戲
魚蝦不敢生澗底僧跡異聊憇釣月臺方知瀑布駛非關
條派匯其源乃澗自扶筇遵寺南松林鬱陰邃老樹舉摩
空洞可十人位前賢來遊者聞多詩與記歲久惜遺佚文
不足郡志南臺北雙秀東西山四至白輅重西巡華嶽爲
大庾縣志

卷之三

藝文

詩

三

右臂豈其苗裔歟亦作偏隅庇省斂固有宜出遊無非事
太守樂民樂敢曰樂仁智

雙秀山

游紹安

郡治四界山雙秀居東北峯似馬兩耳尖削真奇特志載
舊名了象形故不忒山石多磈礧中有巨人迹曳屣自山
椒盤旋徑路仄治境兆左右山岡一龍脊肩輿任所之爰
谿馮分析或云棲真塔或云蘇耽宅或云呆婆棲或云玉
女蹠或云大巖村祖龍所分脈或云徐道覆雷電繞霹靂
或云此有桃禱之乃得食或云此有光卽之乃鏡石如坐
人象背如拿手獅額如拖方蟄伏如龜方運息如鉢盂俛

危筭數四經傷甫竣鑿嶺南旋再躡奉母蒙艱辛挺然不
挫志真誠本温公淵源故有自接武江民表可軒輪藏記
無垢子何辜久謫居茲寺執卷讀就明東楹兩行字跡迹
豈雙鳧矢去殊詫異所學雖雜禪品行絕嘗議會心濂洛
者伊人尤高致余向東山嶺五賢同祀事重建館與樓蒙
川特表識追維數君子殆未易軒輊但是蘇長公此間旅
卽次山川少實蹟筆墨祇游戲而今筆墨亦湮沒風流猶
在人寤寐

觀禾謠

游紹安

百穀順成惟風雨歲稔民和式歌舞昇平日久人生聚水

大庾縣志

卷之三

藝文 詩

五

岸山巔鮮曠土我初麾來守大庾斗米青蚨當陌取嗣是
漸長縮釜斛脫穀攙和艱貧竄偶值慳嗇乾稷黍暴蛟鼓
漲漂春杵一斗奚趨一百五老弱持錢沒買處可恨閉糴
殷實戶困粟陳陳飽雀鼠守吏旰食憂心瘋仰首高穹莫
訴語待哺億萬思去汝何恃不恐只積貯救荒自古無良
矩每想縹緲乏桑土眼前嬰赤倚父祖父兮祖兮恃與怙
小仁小惠祇煦煦至誠感神祈天祐昨日送迎出郊墅南
北縱橫原膺膺禾苗秀茂快目覩包漿結實舉華吐翻種
油油亦尺許西風微拂殺蟲蠶綠浪千畝如秋浦耨饁坐
行入畫譜本視昔歲叢且巨一穗青黃百餘數今年時若

天將溥倉箱非僅祝吾圉况逢豁稅里無胥帝力何有得
我所君不見姑射山頭有神女冰雪其姿仙仙舉年年七
十二吹三十六番湑處處飲幽飲蜡賽貓虎龍鍾太守會
且扶筇沿村醉清醕

庾嶺勸農口占

游紹安

仲春展祭曲江祠猶見殘梅向暖枝今日勸農重過此千
腔濃綠水青時

勸農道中詩

邑令 余光壁 莆田

浮江隘

出城卽山嶺當面起兀突常行沿溪道近遭流水涵往來

大庾縣志

卷之三

藝文 詩

五

遶山腰高下露石骨茅荒路南成潦積泥又滑傳聞自聶
都十丈蛟出窟岡巒盡崩奔坑谷成瀚渤田廬有損傷問
視肯疎忽正思急溺饑奚暇顧顛越浮江地勢寬洪流怒
少歇耕種多依山幸不同汨沒

吉村隘

煙靄薄未收林巒亘連屬峯尖喚鷓鴣峽角開躑躅山迴
夾水來路斷隔溪續厲揭量淺深渾濁難瞻矚下游水齊
腰上渡石齧足流急進趨趨崖崩步趨趨奮飛無能爲濡
滯不可趣昏暮至吉村茅店已秉燭掛桁乾衣裳解裝溼
裊裊身受轉不覺辛苦憐徒僕

沙村隘

迢迢過雲巖茫茫迷煙樹早行三十里草間尙多露沙村
溪更惡有舟不敢渡枉道復陟巘巖泉不讓路捫蘿抱危
石穩步防失足杖藜自扶持輿隸還擁護至巔纔亭午出
谷亦昏暮遠遠父老來紛紛涕泣訴聞聲生悲傷轉瞬失
恐怖平明履田畝問夜起幾度

內良隘

崇岡與峻嶺紛勢難悉數聶都跨楚粵實惟眾山祖黶黷
霾積陰荒僻自太古嵐瘴日斂揚氛靄且吞吐禹跡所未
經靈物自然聚及觀其出沒亦竟敢輕侮飛騰仗風雷變
大庾縣志卷之三 藝文 詩 七
化成雲雨天心本仁愛澤物是其主如何恣乘陵迴幹裂
下土田疇遭漂流礪魄壅杭稌只憑一時勢罔恤百姓苦
沮洳爾窟宅不出亦庸愈

右源隘

內良聶都左右源在其右蛟水不經過田疇還依舊我從
前途來經歷皆未覩腐草罾樹梢漚沫黏巖岫目眩懸瀑
飛耳震急灘吼臨深落肝膽顛險勞頸脰入山已輕身出
山甯再就枉道凌嶺翠幽林轉延袤雲深藏魍魅草動閃
颼颼艱險雖不異喜見禾苗秀

遊仙隘

露草密翳翳風條鳴策策窈窕入深山山深路彌窄嵌空
懸斷崖偃側起高脊鬪捷攀藤羅紆徐避樹石拾級踞絕
巔選勝鋪平席山花不知名山果亦堪摘少坐窮睇盼千
里同咫尺分明數間屋彷彿異人宅堂前有靈芝門外多
古柏轉眼失所在惟見層雲白

梅嶺隘

水險聞瞿塘山險最大庾我今行梅嶺瞿塘如親睹亂澗
成懸河交流赴橫浦轟礮車碾石霹靂矢發弩空有鼉鼉
力難攫蛟龍怒川谷正沸騰木石焉砥柱已見浸兩城疑
真哭萬戶急急具扁舟匆匆理雙櫓過門而不入斯須學

大庾縣志

卷之三

藝文 詩

五

大禹

牛尾隘

畏途凌崆峒舉步苦縮胸順流三十里舟行不一蹶雙脾
出嶽崙漸漸見平陸地形雖曠闊水道無停蓄溪邊百頃
田淹浸經信宿長塍逐水馬環渦浴野鷺枯槎與拔木翻
卷如轉轂沙壅已成洲秧鍼不在目空林還積雨樹梢尙
懸瀑天漏不可補岸谷恐反覆哀哉此方人何辜獨不穀

赤江隘

隔河見赤江高田幸無恙低下無多畝流惡亦不讓舍舟
入山中陟巘覺神旺地險多坑谷窄狹少平曠水田自山

麓墾闢至嶺上遠近白茫茫雲水相蕩漾彷彿江海潮駕
風起高浪又如懷襄世山陵積層漲稽天浸不溺大地隘
無防我來值雨後所見實奇狷

佛子隘

百里千重山至此得平地旱田成畝畝水田辨溝遂溪澗
有橋梁道途亦平治久雨小妨稼禾黍倍蒼翠佛子鄰牛
尾災祥乃大異隴畔治畦人輟耕拱立伺驚顧私相問不
知至何爲吏言其所以感激欲垂淚剡剡踢汗泥步步勞
踉跄相去亦已遠猶聞長歎喟

雙坑隘

大庾縣志

卷之三

藝文

詩

三九

上下十五隘最大雙坑裏東西隔一溪經亘數十里居民
就田山散處不密比疎疎千廬舍小小三城市水深土亦
厚田地皆肥美種蔗不種麥效尤處處是深恐妨民食屢
屢煩誡胝細民見小利貪鄙不知止傍溪原隰間彌望綠
巖巖漂流何足惜偏皆不及水

樟兜隘

大山氣磅礴鬱勃不能止蜿蜒成坡陀往往不計里樟兜
雖在山不同山之裏遠近皆平林岡隴平如砥明知地形
高水患不及此偏僻少經過巡行豈容已懷新覺有異接
壤實可喜候迎煩老人聚觀狎童子小憩選佳樹久坐不

知起問道指前途依稀見馴雉

雲山隘

雲山雖近溪良田多在內層巒與疊嶂一一與水背甘泉
旱不竭足足資灌溉值茲春夏潦溢出與溪匯秔稻常豐
登室廬亦爽塏聞有仙人桃垂實求可采更多四時花寒
暑均可耐喬木列森森秀色青如黛居民安且樂山水倍
可愛安得宇宙間萬方同一概

宰崖隘

我行經宰屋西山已落日欲投驛中宿昏黑遠難卽孤舟
泊斷岸瀾漫流蕩潏清風水上來霽月雲間出遠村各數

大庾縣志

卷之十一

藝文

詩

卒

家夜門關百室寂無雞犬聲漸見燈火失民物皆息機我
何憂邨邨因思陶徵士彭澤亦種秫昔在諸葛公南陽曾
抱膝古人各有志出處豈專壹三年宰彈丸旱乾連水溢
不得累及民豈敢自暇逸

龍華隘

新城小城池溪山相表裏山水極秀麗圖畫不足擬清淑
氣所鍾在彼不在此卽徵諸物產固亦稱備美原隰不異
宜黍稌雜糜芑花果齊結實梨棗栗桃李於物池中物鱸
鯉鱖鯽山穀與野筴屈數不計指水旱不能災偶有亦
足恃內良至龍華幅員數百里而我所經歷十已七八矣

負郭且不如外此焉得比盡日憂窮黎至此可以已

鐵漢樓懷古

楊垣邑人

元城浩氣與天長棟宇何須歎杳茫抗簡虎臣名不朽傳
薪司馬業爭光哀鴻叫落三更雨荒草飛殘六月霜誰道
廣平號鐵石亭亭孤節嶺梅香

一眺江山憶故樓元城氣骨此中留寶文閣下忠臣淚橫
浦關前冷月秋有母共忘天地厄無家不為子孫愁千年
鐵石今何在空見浩浩章水流

遊真覺寺

楊垣

雨霽東山翠未迷撥雲石磴認高低僧緣熟面通茶話鳥

大庾縣志

卷之三

藝文 詩

李

為同聲匝樹啼蓮社狂吟吾輩樂棋枰傲寄古人齊應知
好會難辭醉三笑如同過虎溪

嫦娥嶂

楊垣

葛洪此地煉神丹寂寞空山古竈殘一自道真歸碧落幾
年笙鶴下仙壇秀巒煙鎖千峯晚蒼翠霧深五夜寒欲覓
長生無是處雲霞靄靄水漫漫

南安東山道源書院用淵明始春懷古田舍韻二首

有序

孫人龍

南安府之山最著者南為梅嶺而西華聳其西玉枕峙
其北皆夙以名勝聞未聞所謂東山者東山近附城闕

余昔取道南行會於隔岸見之亦未聞山有道源書院也戊辰三月廿四日踰嶺北上粵叅藩徐惟吉前輩適自北來郡伯游心水先生偕大庾余思瑕明府邀同遊於山上山上之道源書院所以祀周元公程大中公純公正公而若院之左有堂曰鶴鳴則今爲肄業其中者所剏構也堂之前後有亭曰觀瀾曰挹菁曰雲章曰君子皆山長黃君思亭所締造而命以名也山之下有泉涓涓不少息以遙達於江泉之上有館曰蒙川宋劉聲伯先生流寓時著書處也館之上有樓曰正氣明郡守張東海先生所建今因久圯而重新之者也余搢衣

大庾縣志

卷之三

藝文 詩

三

拾級直造山巔遍詣先儒及子瞻子韶器之伯安諸先生祠而肅拜於其下嗚呼士君子仔肩大道每宦遊所至雖閱千百年而餘韻流風綿延未艾惟前與後相得益彰故正學昌明必紹承遺緒以振起斯文若東山臨章水上憑高俯眺橫浦雙城宛如合璧城內外萬家煙火饒鬱葱佳氣第前此鮮物色之者輒湮沒以無聞今則增一郡之壯觀而亭臺樓閣更層見疊出於煙霞水石間謂非地之靈亦必待人之傑歟旣已登舟不勝戀戀偶讀陶詩卽用其韻以志低徊不能去云

名郡蘊奇蹟曠襲罔登踐竊恐負山靈笑人俗未免茲行

陟層巖曠懷一以緬列坐春風中佳氣泠然善稽諸宋代
後清澤非荒遠道源畱的派俛仰欲忘返心期倏已違
蹇蹇緣淺

踏踏斯足貴多文故不貧大儒備三立皆由精以勤有爲
亦共是試問余何人萬古遡正學光景日月新行義固意
愜志亦情欣山林與廊廟尋途識通津况攬泉石佳情
未結芳鄰高山夙響往仰止在先民

道源書院古風一章

高夢說

不見倉松參天高岡立鶴翎虬髯互相結瑤草琪花滋蔓
延借陰交倚環且集不見武昌一樓月玉壺之清冰

大庾縣志

卷之三

藝文詩

三

潔人乙望之稱咄咄庾嶺葱鬱曉煙寒百尺東山爭雲攢
講堂宏敞構其巔丹楹刻桷聳奇觀青黃碧綠紛披掩映
於高而下下之間前有千古後不知其千萬年濂洛餘聲
橫浦分來比戶被管絃郡侯立雪大儒宗天子簡在閩粵
東曰惟此南邦斯文罕與爾同爾作化雨起羣蒙多士奮
躍如雲從不聞騏驥伏櫪嘶秋風晴光徹底照章水誰堆
玉盤當天中

道源書院古風一章

邑令

孫

邁

莆田

東山下章江水水達江右千餘里真源一派流不窮溯
流窮源自茲起有宋南來諸大賢倡道東南傳性理太極

圖說首濂溪洛水相承契妙旨源泉有本繼蒙川川上一
泓悟鑑止繫惟東海迴羣瀾浩然正氣後先企誰知人往
景漸移霧掃煙橫塵土委賴有廣平立雪宗甫登斯地卽
歎謂謂是先賢托跡區奈把講堂竟廢弛陟巔披棘不憚
勞精廬學舍重經始花滿前村月滿林春風有脚來多士
廣講遺書充棟汗玉塵揮來時拂几真詮細研欲忘言列
舍燈光夜繼晷維時山長有同心探奇尋幽會箇裏擔簦
負簞筮方徒澧有蘭兮沅有芷數百年來墜緒茫斯文有
寄全一此振衣緩步東山峒松挂樓頭竹拂屐上看希聖
之奧二下看流水之淵底道源一脈萃南邦俯仰典型如

大廡

卷之三

藝文

詩

六

尺咫所望同志永溯涸活水源頭流無已君不見鵝湖鹿
洞至今傳東山之巔堪媲美

奉從游夫子遊東山書院

丁序賢

南天勝概少人知此日重遊邁等夸化雨春潮歸碩望風
流儒雅足吾師草深山閣連雲擁人傍溪橋帶月移好是
雙城煙火裏飛虹遙接萬峯垂

作人雅化自皇都太守甄陶萬姓孚澤遍花封皆禮樂網
開海底盡珊瑚裁綃抽錦予多士設帳增帷款大儒千尺
浮屠山頂峙散衙來與白雲俱

遊道源書院賦贈同年游心水

江西
大叅 李根雲

誰於吾道問源頭卓爾東山據上游精舍穿林隨谷轉書
聲倚月帶雲流澄觀下瞰人間世問字遙探天外秋十八
年來賢太守心水守南安鑄顏辛苦爲人謀

道源書院歌寄贈游太守心水

瑞州沈瀾

六經之書秦火焚炎漢掇拾徒糾紛顛錯支離成灰劫憑
誰一掃妖慧氛榮樂下堡真儒出榮樂鄉周子所居地名下堡潛心義

易窮朝曛胸襟洒落偶作吏手版高柱南安軍通守一見
矜契合特道二子相尊聞干鈞一髮扶道脈披馭雲霧騰
卿雲嗚呼宋代紹儒業聶尹孫邢蒐獵勤大都跼蹐在注
疏榛蕪未克加鉏耔有如堯典訓詰萬煩費每嗤秦延君

大庾縣志

卷之三

藝文 詩

三

明復春秋配啖趙頗究經旨窺遺文原甫七經最挺出歐
王二蘇谷翻翁別有華陽一家學鈎抉象數探氤氳穆脩
劉牧互建幟流播圖說滋紛紜先生妙契天人奧真同強
楚壓羅鄖二程解領風月趣宏綱閫奧傳雄閩惜哉陸朱
角同異議論橫亘如綿雲末師講授失源匯頓令壇坫盡
黨分中臺舊址孰攀陟州守游公追清芬費舍屹立辨香
炷洗洗胄子來屐幫我聞韶州之周江州潘首請祠祀薦
繁芹考亭作記闡宗法到今仰止超河汾自漸懦玩學殖
落窮年奔走拋典墳皋比趨侍勞魂夢哦詩遠寄鸞臺羣

蒙川館有引

黃允肅

宋蒙川劉先生名黻字聲伯以劾丁大全安置南安軍寓山寺山下有泉湧出悠然悟真源溯濂洛宗派著蒙川草因以爲號明太守張東海公就其地建正氣樓及館館名曰蒙川義取蒙以養正象爲山下出泉蹟久湮沒無傳余按圖索得修其蔓朽表而出之諸生請賦其事拈韻一先各出體裁予不揣首倡并邀郡邑侯暨廣文先生和什庶後人有所考而重葺不致借柄金剛永爲緇流作宇耳

南來匹馬宋大賢靜觀活水契道詮悠然有悟無極說上

大庾縣志

卷之三

藝文 詩

矣

下源流千百年浩浩聖功著論語占蒙養正日乾乾東海賢侯崇風教特標遺跡待薪傳世事桑滄幾更變可憐故館鎖寒烟僅看老佛坐亭際落實高蹤歎久湮吾聞名宿守茲土治與東海相後先振廉立懦育英雋道源書院廣招延愧我未能尋樂處濫托東山耨耕田徘徊憑弔追勝蹟作坎長流有本泉芟除蔓朽清萬象生意盈盈在眼前風光月霽無限趣陶陶忘言見吾天濂溪洛水如環繞朝宗洙泗是蒙川盈科放海皆由此誠哉吾徒宜勉旃

郡守

游紹安

福清

兩安軍設涪化年遠距洪都薄嶺邊何期春陵中興聖揭

來圖說妙契詮時有洛賢倅斯土見其二子函丈前吟風
弄月尊樂處神會心領先後天遙遙泗洙如磬咳關閩化
雨賴開先昌明理學稱趙宋不意乘輿忽播遷廟廊紛紛
議和戰廣厦無人鋪細旆此邦絕學僅如縷誰敬辦香時
仔肩理學英少初膺寶維殷諮訪重經筵逆溯源頭章貢
水宸章揮灑如雲烟嗟嗟末運何能扶道統千鈞一索豈
長懸天爲斯文安排巧正氣特鍾國子賢任他威里有婢
婿賈前史後竊柄權六君子起上封事削籍分置遠州編
錚錚劉君名徽者匹馬踰險來破羈徒倚東山聊自得靜
觀活水悟濺濺仰止當年師若弟周程論語著真篇乃知

大庾縣志

卷之三

藝文 詩

七

造化非無音窺忠生倭總道緣一從厚力迴瀾倒濂洛衍
派今洄沿勝朝太守張東海經營樓館翠微巔日月幾何
劫兵燹荒涼基址雜芊綿我本家傳三尺雪對此益覺心
瞿然爲葺歸祠招楚些宗祀先生薦豆邊吾友溫陵黃山
長彬彬布席幾三千鋤茅亭均開新徑三坎重科活潑泉
眼底風光吾與點占易養正更乾乾曠思吾道周浹若元
氣培之補之營衛堅喜君志繼劉君志血脈詎復虛枯偏
君不見簷馬丁當安在哉嶺表猶傳鐵硯穿又不見三學
碑榮今何有可似東山高臥石一卷河源海委三王祭長
歌願附金石鐫從茲得意在言表悠然真趣忘蹄筌

余光璧

城東東山山突兀嫦娥西華前連綿北橫玉枕倚天柱南
摩臺嶺雙童巔崖广架成正氣樓樓圯基荒天半懸松篁
夾道隱古寺寺外一水爲蒙川山石屹嶮壁層裂玉膏滂
溢流涓涓醴甘乳香清可鑑地經應注第一泉伊昔南宋
六君子抗疏拔丁遭謫遷劉公名黻辱於此得之直欲以
忘年問梅集詩其餘事濂洛論語終成編此間理學久絕
響百年僅見得真詮嘯歌不離蒙川館空谷時聞奏大卷
鐵漢器之是前身子瞻子韶未之先

先玄與東坡元城濂
橫浦並祀寓賢祠

洛一堂道源遠薪盡火傳一再襲後來講學標異幟良知

大庾縣志

卷之十三

藝文

詩

奕

說頗近於禪至今分塲誇嘴距同室日尋橫戈鋌蒙川無
人故址湮荆榛莽莽草芊芊廣昌明府吾閩人解組歸里
守清羶應聘遠來作山長洞開窅奧掃霧烟風光月霽襟
懷曠真山真水恣窺緣縹幽梯險盤坡陀開山不惜賣文
錢觀瀾挹菁新亭出一邱一壑成洞天蒙川近在山之麓
非同幽秘跡不前可憐今人不及古遇之不顧等棄捐山
長寺遊捫殘碣按圖索得喜欲顛剪剔鋤剗疏瀹鑿山靈
始畢獻其妍風浴詠歸日過從彬彬學子樂陶然冥觀象
外會心遠天淵飛躍有魚鳶嗟予嬾散久成癖日困簿書
似醉眠叨從使君得倍賞上陵絕嶺下深淵千搜萬索不

自己直身欲曲足欲趺不在山水不在酒得魚何必勿忘
筌南安古屬嶺南道東荒南裔地里連逐臣遷客流寓多
蘇張二劉稱寓賢莅官斯土難數計樽俎僅薦周程筵文
成撫贛著偉績祀功亦得陳豆籩是日秋祭諸祠環郡皆山靈秀
鍾孕奇毓異有人焉蒙川一勺輪蹄耳何處不有此潺湲
水不在深傳以龍山不在高名以僊典型不遠老成在山
中人尙各勉旃

賴萬程

骨鯁稜稜氣浩然丰標物表重前賢指奸不愧軒階軼遺
戍甯甘山下泉節亮章江光射斗風高庾嶺勢參天臨流

大庾縣志

卷之三

藝文 詩

李九

作館名千古永鎮東峯障百川

黃虞佐

在昔道源院改構東山巔莘莘矜佩盛賢守廣招延博雅
黃夫子設帳啟鳴絃行清發幽秀嗜古樂精研宋代有佳
人厥修真揚乾上舍崇正學舉義摘奸權當時遣荒戍投
足茲山卷人心根道脈攄抱淨江烟酣歌枕幽石槃軸撫
清泉東海崇風節署館曰蒙川世遠迹遂湮草卉雜芊芊
芳蹤載史籍幸有識者傳臨流按圖志故蹟喜重宣古今
忠義事山水絕同詮周覽多殊跡闡發有奇緣茲地經濂
洛體道接聖淵劉公輯精語名纂周程編文章惟一脈隱

顯足吾天涵濡敷教澤千古有同然
瞻彼高人躅於今幾何年
遙觀典型在作興意拳拳潛心契大道朝夕摩槩鉛
名山可壽世好脩可光前寄語學中友
斲不負名賢

游銑枝

稜稜骨節本天然蒙難艱貞契道緣
正氣已存前守志遺篇更賴後賢傳
追蹤寶界思題柱私淑春陵欲愛蓮
試問往來憑眺客伊誰端不愧蒙川

黃崢琬

東山高卧有名賢曾拂清風繞碧川
正氣何嘗臺閣貴文章不讓洛濂先
投閒駐馬依松坐粗甌編茅借石眠
隱沒

大庾縣志

卷之三

藝文 詩

七

芳蹤今再覲道源游息盡真詮

黃世美

故迹荒烟今復傳始知有館認蒙川
松間駐馬流芳遠石上酬盃矢節堅
月印冰心昭碧漢風清玉骨透寒泉
源頭活水重洄溯風景依稀似昔年

何忻

東山傳勝跡溯洄憶先賢松聲殊謾謾
泉流猶涓涓印月涵萬象微風清且漣
正氣寒滄海貞節薄南天宗派紹濂
洛枕石同其堅澹澹結寒姿故址隱荒
烟綠樹擁蹊谷地爲罕人遷憑蹤重結
構髣髴似當年千載思悠悠復見古

蒙川

劉好德

先生正氣薄雲天擊逐權奸如鷹鷂一封朝奏夕貶竄高
 明千古東山巔為尋道源悟活水學湖濂洛希聖賢時時
 吟弄風月趣凭欄遠眺章江烟情閒聊借石為枕樂在箇
 中披卷編明守張公愛基址構堂作館署蒙川記事作詩
 垂郡乘山肴野蔌供豆籩勝事難留勝地廢苔封雲鎖頓
 非前郡侯德澤徧吾土重道崇儒開講筵械樸作人成雅
 化行將棠雋拔茹連更喜閩哲黃夫子汰偽存真衍薪傳
 善誘勤勤循造就磨光刮垢色彌鮮裁成吾黨蘇湖教彰
 大庾縣志

卷之三

藝文 詩

十一

隱闡微思紹先古碑荒蕪勤拂拭長使道學日月懸一堂
 彬彬羣唱和悠然千載續源淵

龍門光

故館嘆寂寥荒亭只半椽泉聲鳴永夜石色冷寒烟幸有
 道心契願言真諦傳尋源芟蕪蔓養正繼蒙川

楊忠敏

何山不出泉地襟獨蒙川為有當年跡奚堪此日烟坎流
 觀混混并汲樂涓涓勝蹟今重現磨研養正篇

龍門舉

為訪東山勝因尋活潑泉空亭無屐齒古砌只苔錢節著

六君子道傳一大賢憑蹤整舊址千載此蒙川

雷錦文

故館名何昉重脩訪昔年相傳明太守曾表宋高賢勁節
有松竹高風在石泉東山吟咏者結想注蒙川

彭世福

匹馬來吾土而今幾百年鋤奸伏魏闕講學著蒙川遺蹟
石泉古高樓風雨湮爲君剪蔓草義烈耿南天

雷霈雯

高館何時創追維覺慨然生平仗大節寸土惜荒烟寂寂
蓬蒿徑涓涓晝夜泉考圖重點綴明月照前川

大庾縣志

卷之三

藝文

詩

三

黃登華

東山精舍外古頗有蒙川觀化臨清照澄心樂靜便風高
松韻老石峭水聲澗芳躅殊堪紀含毫思邈然

朱廷謨

橫浦有蒙川芳蹤失幾傳殘垣蒙暮靄古木咽寒蟬喜得
東山長追尋宋室賢從茲新結構彷彿似當年

周兆鼇

先生舊亭館零落幾何年古壁摧山雨荒階橫草烟風流
自在昔尙友便當前俛仰鋤經處何須歎逝川

劉上桂

聞道東山麓先生有硯田石泉隨草隱松栢耐寒堅披卷
尋荒址探奇有舊緣低徊思道脈不息在前川

謝一衡

東山有寓賢濂洛衍真詮駐馬長松下啣盃躡石邊澄心
悟活水妙諦闡蒙泉瞻落樵奸疏身殉戍伍編尋蹤良有
以記善豈徒然徒倚懷君子高風五百年

黃 袞

先生有故館按秩號蒙川簷掛山頭月徑穿洞裏天松根
鑽硤矧竹影漾清漣正氣樓堪溯振衣堂已湮臨流思活
潑陟屺止躡躑斷碣摩挲古新詞剗刷鮮焰傳將燼火派
大庾縣志

卷之三

藝文 詩

三

衍未分泉儕輩追隨下悠然憶萬年

蕭肇梁

先生垂舊蹟片壁已蕭然廢館荒烟滅殘碑古刹懸鐸音
殊杳渺浩氣尙綿延庾嶺松爲操東山硯作田風清凝白
露道直佩朱弦偃蹇經霜節徜徉窺聖淵派分鄒魯脈籍
衍洛濂編迹似蘇門隱名偕鐵漢傳巍巍名教重卓卓土
林先披卷誰爭烈尋芳孰比肩江流自浩浩泉水仍涓涓
五百年前事於今有後賢

魏光詔

濂洛宗風草木傳迄今人自說蒙川半山亭側猶歆石花

雨樓前尚湧泉亮節已彰航海日談經曾見謫九年遺蹤
蔓草誰追遡賴有時賢表昔賢

張盛瑄

投荒千里注蒙川渺渺忠賢寂實天正氣長凝烟鎖帳清
心永貫月澄泉應借鐵漢名標史任聽金剛像踞巔緬想
從王航海日羅浮山下水潺湲

其二

風光駘蕩舞雩天憑弔芳蹤古寺邊石久無言人杳矣花
初着雨景依然爲尋活水知原委更攷真詮有簡編今幸
吾師重振刷濂溪洛水又蒙川

大庾縣志

卷之三

藝文 詩

七

蕭應昌

義烈風高有宋年揭來橫浦號蒙川相傳樓館尋荒址爲
問文章拾舊編此日金剛惟拱手他年鐵漢故齊肩吾鄉
理學先河祭不恨權奸是大全

甘行

東山遺範宋高賢勝蹟墟堙孰與憐東海表微推五馬南
閩重振是三鱣搜探舊址蒙川館斟酌新名君子泉曾悟
源頭真活水吾徒靳不負薪傳

呂清仁

緬昔清風映碧泉表微喜見濬蒙川願將芳躅昭霄漢昔

令高賢沒靄烟三坎盈科知有本一潭徹底嘆其淵澤長
自是源流遠濂洛心傳此地傳

魏光訓

東山自昔隱蒙川憑弔高蹤思渺然鐵骨峻岫堅似石清
風瀟灑澹如泉空庭經雨蒼苔滿古徑含烟細草眠忽睹
茆亭新結構令人回首憶前賢

蔡秩

駐馬青松嘆逝川長流正氣是蒙川彈章固已昭方簡勝
跡奚堪沒草烟三坎漸流開後學一源活潑溯前賢胸懷
光霽箇中趣濂洛宗風此地傳

大庾縣志

卷之三

藝文 詩

七五

呂仙裔

渺渺高風何處傳東山舊蹟有蒙川層波漾是當年月曲
水流尋此日泉遺草間梅寒作伴高懷借石醉爲眠千秋
樓館今重現一任從遊景昔賢

張廷詔

名齊鐵漢不相沿隔代風微幾失傳總爲人間扶正氣肯
辭嶺表臥荒烟頽垣斷碣人何處衰草斜陽跡已湮幸有
名流尋舊址不勞讀史明蒙川

李元發

東山伊昔寓名賢故館荒涼思杳然祇考石衣翻古篆誰

探月窟徹寒泉昂藏不語雙
峯佛管領無邊四野烟今日
重開芳徑遠依稀猶見舊蒙川

鄧涓

竹松徑裏偕同志風雨亭中緬古賢
石匪轉心聊自醉泉
堪洗耳且高眠倉皇竄跡涉吾地
寂寞空庭別有天今日
尋芳重結構不須秋月賦蒙川

龍門宴

涓涓不息瀉清泉翠色蒸龍擁碧川
古壁蒼苔殘夜月空
庭細雨晚村烟千年正氣開雲障
一片冰心映石堅點綴
風光隨几席悠然濂洛衍真傳

大庾縣志

卷之三

藝文 詩

七六

甘霖

幽徑重開繞澹泉蒼松翠竹映蒙川
亭籠黓黓斜陽氣石
帶模糊薄暮烟想見忠肝飛白簡
猶傳真性註丹鉛我來
橫浦高懷曠盡日風濤當管絃

清泉湧出細涓涓正氣長流溯昔賢
駐馬松林風已矣啣
孟石畔境依然縱無樓館供臨眺
賴有篇章足簡編重葺
舊基新往蹟令人千載見蒙川

鄧振川

涓涓始出湧蒙川誰識當年一派延
影蓋青松浮色翠波
翻明月漾文漣幾從杖履探幽勝
還向泉源溯昔賢今日

講堂觀聽下伊誰啟後與承先

曾治岐

濂洛宗傳寶祐賢琅琅信史志蒙川忍教芳躅堙青草應
發幽光照白泉聖有同揆看此日澤猶私淑仰當年登堂
載咏高山什模楷依稀几席前

戴涵元

兀坐山亭思渺然荒烟香靄擁蒙川風搖有韻來松際齒
漱無心卧石邊半嶺暮雲橫遠岫一天明月浸涓泉蒙茸
復睹高賢榻幾度徘徊恍昔年

古松

大庾縣志

卷之三

藝文

詩

七

東山林壑寄高賢天與淳泓一勺泉已悟觀瀾知淑艾不
隨偈水說因緣根心曠坐物皆靜生意盈階花欲然好爲
先生除蔓蕪春風披拂此蒙川

黃謙

南宋沿來幾百年獨留濂洛有真詮魂依南海忠猶在跡
竄東山節自堅破瓦殘垣寒古寺孤松片石護蒙川喜看
荒館於今復不是名賢孰與傳

何奔沆

翠擁東山石映泉翠微亭畔古蒙川登臨賴有重脩者東
海賢侯與並傳

劉平

故館前朝表昔賢奚堪真跡隱荒烟千秋正氣重洄溯半嶺月明印逝川

黃德訓

潺潺分派出蒙川正氣長流見浩然漫向金剛譯偈語須知濂洛有真傳

戴炳元

苔痕綠映水潺湲今日芳塵恍昔年駐馬依依三坎月振衣落落半松烟風清自有吟巾樂山靜別成悟裏天往跡來蹤何渺渺空餘皎日照蒙川

大庾縣志

卷之三

藝文 詩

七六

石澗清流擁碧泉竭來佳境話蒙川牧童高唱迴松徑啼鳥殘歌繞樹邊月到小窗唯有醉梵通幽徑但高眠當年正氣頻回首風景依稀憶舊賢

東山十二景

游紹安

山長黃思亭擬東山十二景蓋彷彿武彝精舍意也予即步朱子詩韻以紀其實

高崗鳴鶴

書院左有鶴鳴堂諸生新構也

鹿鹿甘星霜老厭車馬客驚露一憂然故山爛白石

層巒花秀

花臺七層黃思亭所培植者

理學溯淵源濂溪與洛水生意眼前花光風千萬里

奎光映堦奎閣與堦相向

虛靈涵星光靜感萬籟響寸心常洞然操存無不長

橫浦卧龍橫浦橋在東山之陽

章水浹城奔橫流覆棟宇俯矚如卧龍時若介稷黍

觀瀾倚檻觀瀾挹菁皆思亭結構而名

湍急知有本何必大且深凭檻欲無言悠然晝夜心

挹菁望蹊

桃李自成蹊大道存几席堪嗟躋鐵鞋憑空錯足力

雙城台壁南郡新老兩城魚形章水中流

嶺表建諸侯雙魚夾輔力蕩蕩峙崇墉萬年長立壁

大庾縣志 卷之三 藝文 詩 七九

曲水聯珠山有活泉洄洑蠓蜒而下

浮盃任曲流纍纍亦對對箇中有真機不解依紅翠

玉池蓮碧鶴鳴堂前開玉池種碧蓮

碧蓮誇郡瑞移花講院開昔慨同予者田田君子來

竹谷風清正氣樓竹林環遶

徐風襲我襟猗猗豔穆碧東晉漫風流此君祇面識

蒙川印月宋劉聲伯著書處

一輪夜當午徹底水中央碧宇沆瀣淨何來心地香

正氣流丹明太守張東海為劉聲伯建火圯今再脩

正氣自今古丹心孰重輕茲樓應再造豈是蹈虛聲

和韻

黃允肅

靜晦幾何年軒軒雲中客
憂然聲相應青山與白石
層層生意盈鏡臺澄若水
一覺萬樹開霽月明千里
寸徑自惺惺山泉不覺響
靈光環共照道心與俱長
雙魚宛見龍卧波橫眉宇
青雲生足下陰雨膏苗黍
一柱砥東流瀨急源自深
靜觀閒倚檻悠然不競心
環亭桃李芳生趣蒲林席
不言自成蹊得來幾費力
章水夾城流屏翰雙借力
日月環相印波光照東壁
幾泛蘭亭觴珠光饒晚對
五更返照裏纍纍橫波翠
蓮碧心不染移種此地開
豈徒符郡瑞深愛君子來

大庾縣志

卷之三

藝文

詩

八

清籟出林中林深葉逾碧
猗猗含晚翠中空誰能識
占蒙著論語光徹水中央
百川留月印萬古發清香
丹心照汗青登臨識重輕
正氣流今古時聞松竹聲

孫邁

皎鶴肅秋月堂中半仙客
長嘯碧天空青山萬仞石
生意眼前春盈盈碧於水
萬樹發新葩成蹊已千里
文星耿千秋塔影冥孤響
返照寸心中萬象從此長
水面挂長虹橫空灑塵宇
時有清風來處處歌芑黍
欲識源頭水須尋箇裏深
倚欄憑自得雲影雨同心
花香依綠野草碧映青席
一望平無際春鼓盪力

雙城夾章水中流砥柱力梅化開也未雨兩映東壁
水曲源自真孟浮心可對滴露似垂珠不獨山橫翠
此地多君子於今香正開濂溪風未遠應有賞心來
雨細韻空吹風清影含碧何須問主人相對自相識
萬川一月印光滿水中央太極渾無際婆婆桂影香
著書千古重抗疏一身輕曉色樓頭好欣聞萬籟聲

余光壁

孤鶴出羣立有如遺世客堂前時一鳴恍惚他山石
堂成畫圖中此外無山水更有層樓花花香聞十里
象教與聲文浮屠標影響惟有文星高光芒足爭長

大庾縣志

卷之三

藝文

詩

全

橫浦漾清波長虹垂碧宇三時起卧龍四國膏瓦黍
石上建新亭溪流俛矚深明知結構牢倚檻亦驚心
崎嶇山嶺間一望平如席始信有人行路成不費力
重關嶺北門不恃險與力衆志成堅城千秋新壘壁
下馬松間石列坐臨流對一觴復一咏暝色帶山翠
相傳碧蓮端未見玉池開遺愛自濂溪於今移種來
風過細聞香雲開愈見碧貪看往來頻主人久亦識
蒙泉涵夜氣印月夜未央意味何人解前賢一瓣香
建樓留正氣樓圯係非輕試聽空山裏如聞太息聲

挹菁望蹊

黃虞佐

山徑已成蹊往來通講席盈盈書帶香陶鑄無私力
竹谷風清

樓頭正氣清竹影搖風碧林間誰優游杖履應相識

蒙川映月

泉從山下出月在水中央泉月相映處猶聞翰墨香

觀瀾倚檻

朱 誥

觀瀾閒徙倚源頭活水深天光和雲影悠悠見道心

挹菁望蹊

桃李鋪春溪菁華晃几席郁哉大塊文誰辨洪鈞力

大庾縣志

卷之三

藝文 詩

三